


transcript

re, & Corpus
ins, cum
Eus p
In Ep
om, Equ
com, Equ
com.



~~Handwritten scribbles and crossed-out text~~

10 / 15.0 / 15.

50
50

Es ist zu sehen
eine nicht sehr
gute Karte

C. XVII. 23



31
30
ASCENSUS
SOLEATÆ ALITIS

é Cineribus Franciscanæ Religionis

AD

ILLVSTRISSIMOS INEVLATI HONORIS
SPLENDORES,

ILLVSTRISSIMI ac REVERENDISSIMI DOMINI,

D. CHRISTOPHORI
ADRIANI
DE ROZNOW

SKRZETUSKI,

EPISCOPI BACCHOVIENSIS,

ex Ordine Fratrum Minorum Sancti

FRANCISCI Conventualium

ASSUMPTI.

ipso suæ Consecrationis die 23^o Mensis *7^{bris} mortuus*
à Studio Theologico Cracoviensi ejusdem Ordinis *et non consecratus*
submissâ Panegyri *in Episcopum.*

ADORNATUS.

anno, è splendoribus Cælorû ad terra M Descen.

dentis (per Quem nec ales esurit) Xti ies V. 1717

Cum licentia Præsidis ac Mecenatis FranciscanoPolonarum Musarum A. R. P.
Magistri LVDOVICI ELBING Ministri Provincialis Cômmissarij Gñalis.

CRACOVIAE, Typis Francisci Cezary, S. R. M. Illustrissimi & Rndissimi Dñi
Episcopi Cracov: Ducis Severiæ, ac Scholarû Novodvorscianarû Chalcographi.

IN GENTILITIUM ILLUSTRISSIMI STEMMA.



A les magnifico pridem splendore corusc
 L igno cum Solea, quæ decorata, vigi
 E volat, in Cælis Seretuscia nomina mill
 S cribit & imprimis, Te notat Alme Paren. S

ANTISTITI.

CARMEN ACROSTICON.

CHRISTOPHORVS
uncta Tui Ascensûs celebrare cacumina donec
ectorei valeam; placeat deducere Iosep
eligiosum: quò rectè Tua facta leguntur
s pius, addictum, sentimus Te pietat
parfos se venerandos conspiciat ille maniplo
e Patrem, noster concors affectus adora
cylus Ægyptus Ioseph circumdata Nil
roregem novit; nos non narramus ut Æso
umanè nostrum legimus nos Te Cauriac
Sacra Regna Iovis stillantia lumine sacr
ectè Christophorus Ioseph videatis en alte
siliter Superi, donetis tempora quest
alvos Ascensus Antistitis ut celebremus

ADRIANVS
Imum Iesiadis facinus conscendit in Astr
eclamabo ! Tuum Nomen praecluit illu
itè Tuis celsis quivis virtutibus impa
n Te vel teneri, vel florem, etatis agent
spicienda loquax virtutis vivaquè form
obilis, Ipse Tui fecisti surgere Nome
itis es, & complex Scretuscia limina fruct
ursum conscendis nudos sectando Minore

(a) Princeps Numidarū, sic vocabatur à suis.

31
S acra beus Mæonides properantes accelereti
C hordigerumen Adrianum nostrum cernite, iam nun
R ecreat ingressu Fratres, lætatur & Æther
E xultans modulatur, vivas o ADRIAN
T erpsichore sapiens; Pallas Scotistica gaude
V iribus immensis tanto depressaque part
S ane Religio profundit gaudia plausu
A rius Ascendis, quærens terram Latiam, illi
N signi titulo celebris decorata Magistr
I elox colla tenes, nam perfectissima sens
S plendidus in Patriam remigras dum, culmen honori

A ccipis: Aonia Prolem, Tritonide, Sacr
A ostram implendo; Tuo quæ duxit pectore flume
N am miræ doctrinæ, quam modo tempora noscun
I n majus decus Ascensus Lithvanica Sacr
S ummi Commissarium, humus novit Generali
T e nos & florens Provincia nostra videba
I ximum Patrem, Cracij gremij Caput, atqu
S ut vigilem gnarumq; Ministrum Sarmatici Orbi

B ellâ voce vocatur supplantator Iaco
A rosea generis proprii miraquæ juvent
C aram plantasti Sobolem, famosior isthin
H ristiadum numerus factus, Tu Major es illin
O ipolitum præfers, calum conscendis ut Enoc
V rnaris modo dum mitrâ, lituô quòquæ Sacr
I otis, Te celebris lato Bacchovia vult
N violabiliter recipit; Te Regnaquæ Lech
I ncomiasta! Christophorus Scretuscus ill
E obilis in nunc PRÆSVL, Io! prædicite Pæa
N acri dilecti Confratres Ordinis omne
S n decus Ascensus, festumquæ trophæum, Adrian
S ternite candoris flores, de pectore planti

V nanimes; PRÆSVL valeat subsistere port
V n nitido dicatis. Tu quòquæ suscipe nostr
V otum cordis, & ignoto quod fecimus aus
A ltâ Præsuleâ, defende tuere, Minerv
T e tenuis Duns Scotistarum turba reposci

Devinctissimum
Studium Theologicum Cracoviense
D. D. D.



TRIUMPHUS I.

magnis Majorum passibus
PROGREDIENS.



Ntequàm Tuos deducamus Aborigines, Tu-
umq; SOLEATIS ALIS descendamus in
Ascensum; coronata prius quorundam deside-
ria, & nostros erga Te velociores pennis du-
cimus in triumpho affectus, *Illustrissime Do-
mine*. Quolibet momentò felicem Tui ex-
pectabamus Inaugurationem, unicum quadran-
tem Platonico mensurantes annò; horas omnes in tædiosos sæcu-
lorum tractus distentas esse putabamus; anteqvàm Mercurium
boni nuntium recepimus de Tua in *Episcopatum Bacchoviensem*
Consecratione. Dies indies mutuò secum luctari credebantur;
quisnam illorum ad alternantis inter Philadelphicos Ordines *Præ-
dicatorum* ac *Minorum* Tiaræ Sedem Te ducere possit? Inter
hos tamen Iovis & Martis dies maximè conabantur hic trophæa,
ille porrigenda sibi fulmina (cùm sit Minister fulminis Ales) Tibi *Lucta de-*
parare. Mæsti quodammodò decurrebant menses, quia Tibi ap- *sideriorum.*
plaudere quilibet illorum volebat. *Ianuarius* cum suo Aquatore,
quot guttas, tot gemmas in Tui effundere cupiebat ornamentum;
Februarius etiam inter pisces licet elingves, nihilominus aliquem
Lucium ad conclusionem, vel Carpionem ad initium plausus Tui
laudatores parabat; cum cornuto Ariete *Martius* plenas ferebat
laudis cornucopias, Bicornem Tuam sublimaturus Infulam, ex quo
jam non tam sublimi feries sidera vertice; verum Maximus D E I
Sacerdos in splendore vultus Tui ad familiare cum *Summo Numi-
ne* accedes colloquium; *Aprilis* in Tauro, omnem Tibi cælestium
gratiarum roris pollicebatur pingvedinem; cum suis Geminis *Ma-
jus*, ad geminatos de Te *Ascensuro* primis sui diebus gaudebat, ho-
nores, id est *Bacchoviensis Cathedræ Illustrissimum & Reverendis-
simum*, venerabundus *Antistitem*; *Iunius* in Cancro, tardiori passu ad
suas Te deducere conabatur ferias, calcatos jam Gentilitiâ *Soleâ* retrò

31
gradus laboris & honoris numeraturus; vota gravi rugitu proclama-
mare anhelabat cum suo Leone *Iulius*; Augustalem corruscantis in
Sole Virginis splendorem & nitorem adaptabat *Augustus*; *Septem-*
ber in Libris paginas Scientiarum quas legisti, vel Tuam in omnibus
æqvitatem ponderaturus erat; per Scorpionem *October*, quidquid
noxium, quidquid infectum foret, tollere desiderabat; *November*
cum suo Sagittario corda non fallaci jaculaturus arcu, in Tui iter
arripiebat venerationem; *December* in Capro ad omnes exerceba-
tur per regiones & pedes Poëtarum saltus. Omnibus tandem pal-
mam præripuit hic Mensis, qui immensis de Tuis immensis palam
nunc gloriatur meritis, gaudijs. Omnes Añi partes inter se litigare vide-
bantur, cuinam illarum cedere debuit solennis Tuæ Inaugurationis
Pompa? Torrida *Æstas*, magis ardebat desiderio Te videndi in
Insula, quam proprijs caloribus; *Autumnus* sperabat inter Vinde-
mias Te *Illustrissimi* sanguinis murice rubentem Botrum in vinea
Orthodoxæ Matris Ecclesiæ plantare; nivea *Hyems* suam canitiem
venerabundam ad Tuas flectere plantas cupiebat. Optima Sors
Verni temporis obtigit majestati; ubi omnem florum copiam in
Tui Capitis legit Coronamentum. Persultabant Giganteo passu
duras Alpes nostri affectus; refracta ad *Vaticanum Collem* suspiria
cum lenioribus Zephyris ad nos revertebantur; taliq; aura jejuni

*Cellissim⁹
Princeps
Severia,
Consecra-
tor Illu-
strissimi.*

*Illustris-
sim⁹ suf-
fraganeus
Crac. fa-
ves.*

*A. R. P.
M. Mini-
ster Pro-
vincialis
cum suo
Diffinito-
rio gratu-
latur.*

pascebamur Chamaleontes, donec Romana expeditio ad *Bacchovi-*
ensem Tiaram grato rumore, nostras subivisset aures. Ad Famam
Tui *Ascensûs*, Cellissimus Princeps Severiæ, Illustrissimus & Reve-
rendissimus Dominus CASIMIRVS à Lubna LVBIE N-
SKI, Episcopus Cracoviensis, Consecrator Tuus, libenter aures
præbebat, & in hanc Consecrationem non solum palmas, sed &
Gentilitium Caput gratò inclinare, quam citissimè cupiebat animò;
Capitolium laudis Magno Tuo Nomini in Eodem erecturus. Illu-
strissimus & Reverendissimus Dominus MICHAEL à Słupow
SZEMBEK, Episcopus Paphensis, Suffraganeus, Decanus, Vi-
carius in Spiritualibus, Officialis Generalis Cracoviensis, adhuc
extra id tempus *Rosis* sternebat *Ascensuri* iter, ut quidquid Gen-
tilitiâ calcaveris *Soleâ*, Rosa fieret: imò Tota *Szembeciana Domus*,
suos explicabat Flores, quasi repando ore loqui vellet millenos Tibi
plausus. Primum Almæ hujus Provinciæ Caput, Admodum Re-
verendus Pater Magister *LVDOVICVS ELBING*, Minister
Provincialis Commissarius Generalis, per apertum sui Stemmatiss,
idest Divi Patris FRANCISCI, aperti pectoris vulnus, to-
tum cor in lætitiâ effundit, dum stante illius Regimine, Episco-
pali dignaris Scipione: quod Caput si tolleris, multas apprecatio-
nis invenies Coronas mutui inter vos affectûs decoratas unioni-
bus. Imò sub eodem Capite cætera membra totius Provinciæ,
pari animantur erga Te amore. *Franciscana Chronologus Reli-*
gionis

gionis plenus annorum & religiositatis Vir, Admodum Reverendus
Pater Magister *CASIMIRVS BIERNACKI*, Decanus Pro-
vinciae, Custos Gnesnensis, Aviti Stemmatis sui extendit *Manum*,
ad porrigendam Tiaram, & venerandum omni ex parte *Caput*,
(vel Iovis comparandum cerebro, quod orbe majus dici possit)
Tuae humiliare finit benedictioni. Multam Echo Nominis Tui,
per suum Gentilicium spargit *Classicum*, Admodum Reverendus
Pater Magister *FRANCISCVS GORZYNSKI*, Pater Pro-
vinciae; imò æternum *Tubá* canit triumphum. Non defunt plu-
rima Tibi ventura comoda ex ipso Admodum Rñdi Patris Magi-
stri *GIERAKOWSKI*, Patris Provinciae, Custodis Lublinentis,
Provinciae Lithvaniae Visitatoris ac Commissarii Generalis nomi-
ne, quæ nisi forent, Ipse pro his sufficeret *BONAVENTURA*.
Præludunt & Patritiæ Admodum Rñdi Patris Magistri *MAR-
TINI KALOWSKI*, Patris Provinciae, Custodis Culmensis,
Concionatoris hujus Conventus per multos annos Ordinarii *Hastæ*,
ad Episcopalem annulum optimum Tibi nactæ hastiludium, & quæ
toties Apostolici sermonis ictu, multorum vincunt præcordia, tri-
umphales hodie apportant laurus: & si olim Trojani Regnantes
in publicum prodituri hastas in fulcimenta fumebant; Tu quem
virtutis suffragium satis alto inducit fastigio, *Hastis Katowscianis*
Pedum obtenturus Præsuleum, trabeisq; onustus, securè innitere,
tutus *Ascende*. Damus plenò acervò collectam gaudiorum &
apprecationum messem, congregati in unum sub Alas candidissi-
mæ Aquilæ Pijsissimi & Serenissimi *BOLESŁAI PVDICI*, *Conven-
tus Crac.
latatur.*
Fundatoris huius Conventus Munificentissimi, quia penes plenis-
simum Eiusdem favoris manipulum, foecunda amanitatis gargara
offerre expedit; non leviores aristas. Primus nostrum egreditur
Admodum Rñdus Pater *ALEXANDER SIERAKOW-
SKI*, Sacræ Theologiæ Licentiatus, Commissarius Conventus,
Magister Novitiorum, & fortunatissimum *Ascensum* Tuum suâ præ-
volutat *Gentilitiâ Sagittâ*, in summo Illustrissimi Insulati honoris
clivo, scopum præfigens terminalem, & solidè Tuæ innixus Be-
nevolentiae ad firmandum huius *Ascensus* iter *Sierakovianam* acuit
Soleam. Sequimur & nos *Scotistici Lycei Musæ*, festivum Tuo
Ascensui accincentes præanem; quorum Duces & Præsides Gladia-
tus Admodum Rñdus Pater Magister *GAWORSKI*, alter Tuo
innatus affectui, Admodum Rñdus Pater Magister *BORZY-
KOWSKI*, Regentes Studij, Diffinitores Provinciae, uterque
nostrum Dignissimi Professores, & Tui Nominis faventissimi Cli-
entes: horum pro eodem Tuo magno Nomine *Zelum* si velis? *PAV-
LVM & ANTONIVM* invenies. Omnium item hujus Provinciae no-
stræ *Franciscanorum stemmatica* expansæ in modum Crucis *Manus*
ad æternum sæculis exarandum *Ascensus* Tui lo Triumphe! ex-

AR. PM.
Regentes
cum suo
studio vo-
ta in ver-
ba effun-
dunt.

31
 tensas *Seraphicas* adaptant *Alas*. Ipsa deniq; lætitia in præsentī solennitate triumphat, non disertior Palladis nostræ svada; quæ suæ minorennitatis & parvitatī conscia, Magnum Præsulis *Skrzetuscianum* Nomen pertimescit. Imò omnes paginæ ultra nativā albedinem in primo limine *Ascensūs* Tui ad Insulatum Honorem *Præsul Illustrissime* magis expallescent; omnes literarum carbones mortui, cinericiū vel planè cadaverosum induunt colorem, quòd timore quodam consternati, ad Tuam exanimentur Celsitudinem. Verùm spes melior vincit metum, & votorum summa triumphat; cum qua audebimus humiliorem eloquentiæ lembum committere sanguinis Tui latepatienti Erythræo. Quòd si in profundum præ indocilitate & ignorantia delapsis naufragari contigerit; libenter in Tui Venerationem prosterne-mur.

*Domus Illustris-
 simi Pa-
 terna &
 Materna
 ejusdem
 Originis.
 Primus
 Accipi-
 trin.
 Borzyvo-
 ius Acci-
 pitrin
 Succame-
 rarius Bo-
 leslai Au-
 dacus.
 Derslaus
 Accipi-
 trin Pocil-
 lator Bo-
 leslai Kry-
 woustij.
 Albertus
 Vexillifer
 Sandomi-
 riensis &
 Derslaus
 Frater e-
 jus Acci-
 pitrini.
 Petrus
 Accipitri-
 nus.
 Sven-to-
 slaus Po-
 snaniensis.
 sis.*

Et jam Triumphum cum Tuis tam *Illustrissimæ Skrzetusciænæ* Paternæ, quàm *Zukowscianæ* Maternæ Domus iisdem ab Anno 999. ducentibus Majoribus Originem, ad *Insulati Honoris* instauramus *Ascensum*. Primùmq; commune omnibus *Accipitrinis* dedicamus Elogium, (c) *Accipiter Vester DEI* significationem habet, quoniam ea *Avis* ceteras antecellit & acie obtutus & volatus pernicitate. Primus adest *Accipitrin* optimè de Patria & Domo suâ meritus Miles, qui adinventis soleis calvum montem ab hostibus Crucis CHRISTI sub *BOLES�AO Chrabri* præoccupatum conscendens, eosdem invasit, compressit, tenuit, Regi deduxit, fidelissimè. *Borzyvoius Filius Mstæ Accipitrinus MIECISLAI Audacis BOLES�AI Filij* ex Vngaria Comes, & Succamerarius, Vir Marte & ingenio clarissimus. Stupuit Purpuratus Civium Patriæ consensus *DERSLAI Accipitrini* Pocillatoris *BOLES�AI Krywoustij* (d) Bellatoris Magni consilia & magnanimos suspexit Bellona ausus, Pyrrhum in campo, Cynæam in curia Regnum adoravit; dum se duplici pennâ hic *Ales* consilij & Martis regit. *ALBERTVS & DERSLAVS Accipitrini* Pocillatoris Filij, quorum primus Vexillifer Sandomiriensis; ferrò & ingenio sub *BOLES�AO Crispo* Polonam libertatem defensabant. Ambo magnanimi Herodès madentem hostili sanguine mucronem (e) fidelitate & probitate erga *DEVM & Regem duæ* irrequieto agitant motu, non ignari quòd educus vaginâ gladius, nisi sanguine tingatur; cum rubore in eadem reconditur. Quoties Nuntium in Comitijis agebat *PETRVS Accipitrinus* Filius Vexilliferi Sandomiriensis, non verborum purpurissò; sed animi candore bonum publicum promovit. Iunguntur his affinitatis nexu *Illustrissima Ecclesiæ Numina*, Tegimina & umbraculum fidei, *SVENTO-SLAVS Poseniensis*, *PETRVS Płocensis*, *ANDREAS Vilnensis* (primus Catholicæ fidei in Lithvania Apostolus) *Episcopi Acci-*

(c) HADRIANUS Iunius Medicus in emblematibus)

(d) OKOLSKI (b Iastrzebiec)

(e) BOLESŁAUS Crispus in suo diplomate)

pitrini: Nunquàm Ovile CHRISTI pulchriùs resplenduit, quàm tantis Pastoribùs, exemplò prælucenribùs. Non potuit juxta Evangelicam vocem Pastorem non audire Ovis, dum *PETRVS* cui CHRISTVS commisit Oves, *ANDREAS* zelò ardens, & *SVENTOSLAVS* honoris DEI laus adeò fulmineò resonabant eloquiò, ut orbis in eis, alterum mirarerur Periclem, alterum Demolthenem adoraret. Insigniverunt hi non jam variegato velere sed venustiore virtutum colore (ut varietas DEI oblectaret pupillam) gregem Catholicum. Tonantem *ANDREAM* vel ardentem suspexisset Lithvania, ni Iupiter attonitos in cineres & favillas redigeret, hic suo spiritùs ardore ad vitam plurimos animaret æternantem. *NARCISSVS* germanus *ANDREÆ Vilenensis Episcopi Frater Accipitrinus*, Vir pace & bellò clarus; sed pietate in DEVM, & avita religione clarior; pietatis suæ evidens argumentum reliquit: qui summo sumptu & liberalitate Fratribus nostris Monasterium & Ecclesiam in *Nova Civitate Korezyn* erexit. Triplici insertus *Cathedræ Poseniensis, Cracoviensis, Gnesnensis, ADALBERTVS Accipitrinus* dignum Tiarâ earundem ostendit caput: & meritò his alsidet *Accipitrinus*, cùm omnium omen habeat. Soleatus super soliditatem *Posnaniensis* ascendit *PETRÆ*; triplici insertur *Cracoviensi Coronæ*, trinâ dignificatus Tiarâ; *Gnesnensi* alter restituitur *ADALBERTVS*: non semper tamen horrendis aures percellerat fulminibus svavitate dulci verba condiente; ut jam non sola antiquitas suos jactaret Oratores, qui declamaturi Lilijs de pectore suspensis blandimenta dictioni comparabant, postquàm & huic Polono Hortensio *Gnesnensis Lilia* disertum labium blanda demulcebant promulside. Hinc *Loviciens Pelicanus* proprio ipsi subseribebat cruore; & *Varsaviensis Siren* svavia suggererat modulamina. Vineam CHRISTI nulli tunc deformabant stolones, quos & verbi Divini peracutò gladiò, & doctæ mentis acumine amputabat. Hic supra Magnos Cellissimus, supra Præclaros Illustrissimus, supra Bonos Optimus; Regum Coronæ unio, thesauro libertatis gemma, Regno sapientiæ caput. Inter Stoicos Ethicè, inter Lelios Politicè inter Christianos Orthodoxè, inter Spirituales exemplariter, inter oves Paternè spirans: in veritate candidus, in varietate nullus, in virtute erat omnis. Respondit Majorum suorum magnitudini æmula virtus per lineam Divi *ADALBERTI* descendens, prius *Accipitrin*, posthac *MARTINVS Skrzetuscius* de Domino *Malczewiorum* nuncupati, militis; cui infractum fuit robur pro septemplici Aiakis clypeo, in adversis constantia pro columna quapiam Gaditana. Verè Mars intus ille *MARTINVS* multos Scythicos apros venabatur Caledonijs ferociore, & ne fugâ se subducerent, plumbeis glandibus saginatos Marti in victimam

Petrus Plocensis, Andreas Vilenensis, Episcopi Accipitri ni.

Narcissus Accipitri. nus.

Albertus Accipitri nus Archiepiscopus Gnesnensis.

Martinus Skrzetuski.

31
Carolus
Skrzetu-
ski.

consecravit. Expavit Moschoviticus Draco Gentilitias illius *Vngulas*, ne profundius suo capiti infixæ sentiret; ideòq; mitius sapere didicit. Tot belli incommoda Magnanimo Heroi quædam voluptatis illecebræ videbantur; adeoq; in nube frontis ferenum nunquam obtenebravit ferrea armorum tempestas. *Accipiter* hic vibrationibûs oculorum radijs, cruentes Bellonæ nubes penetrabat; addensatos telorum imbres, pupillâ spectans irretortâ; magnîsq; dotatus talentis in sago & toga gessit plurima, quæ non levem hanc pagellam, sed capaciores tomos implere possent: rubentem tamen hostili sanguine manum illius Tuis Purpuratis *Illustriissimis* admovemus *splendoribus*. Ac tandem per sexaginta Annos multis in bello periculis fugatis, vitam pro meta posuit inconcussi pectoris Heros. Vestigale idem meretur encomium in castris exercita virtus *CAROLI Skrzetuscy* cataphractæ Cohortis militis. Nunquam frustra per aures ventilatum mucronem in illius manibus observavit Gradivus, quia semper capulo tenus Barbarorum pectoribus immersum, vix advertere potuit; ad antiquum Zbaraz victore gladio Cossacorum mœssit capita, quibûs computandis curiosa Arithmeticorum numeratio lassaretur. Infra Iulij Calendas Leo Solis stationarius novum in illo conflictu aspexit Leonem *Skrzetuscium*, qui generoso spiritu Cossacorum cuneos frangebatur. Ardentius caelesti sirio tunc lucente flagrabat illius pectus; videre fuit scintillantes *Accipitrini* oculos, ignescentes ad prælium unguës, Martiali æstu fumantia iostia, flammam vibrantes gladios, accensam Bellonæ facibûs *Soleam*, æstivos superantem calores. In his & alijs expeditionibus, animosum Hectorem vidisses, permixtos Martiali æstu anhelitus trahentem, cui irrequieto motu cor ad pugnam saliebat, non vecordiâ concussum, sed vehementi lætitiæ impetu exagitatum; in hostem erumpere voluit. Si frangere potuisset costas, ignitum dolonem conspexisses, bellici fervoris flammæ ejaculantem. Superbè nimirum feriens Tartarorum & Cossacorum barbaries, ad præsentiam *Skrzetuscij* delituit, immo nec amplius spirare potuit. Immanis hæc bellua expavit Gentilitium illius *Accipitrem*, qui non tantum latentes in scythica Meotyde hydras, sed etiam septemtrionales Leones excæcare novit. Per aquas nudipes ad idem Zbaraz Annò 1648. in negotio hostilis conflictûs Nuntium ad Regem agens, certè suis ferebatur pennis ne mergeretur. (sic rei cardo est) contra rebelliones Cossacos Chmielniccio Duci adhæsit *CAROLVS*, partim affabilitate, partim asperiori superciliò obstinatum illorum compescens proterviam. Et cum *IOANNES CASIMIRVS* Serenissimus *Poloniarum Princeps* ad capeßendum illorum venisset dominium, per quondam lacum noctu pernatans *Skrzetuscus*, cum literis occurrit. Ipsi tumentes aquæ fluctus erectas flexerunt cervices in ad-
ratio;

31
rationem strenui militis; & quia à longè voce non potuit (vix non suffocatus aquis) salutare *Serenissimum Hospitem*, lætior Neptunus aquarum murmure loqui videbatur: sicq; Nuntium cum fidelitate Regi servans *Skrzetuscus*, vitæ suæ itruì à rebellibus non advertens insidias, vix easdem evasit. Et hoc est in prælijs maximum ijs discrimen, qui maximè timent, audacia pro muro habetur. quanta demùm est animi magnitudo, ad id sua sponte descendere, quod nec ad extrema redactis timendum sit; & hoc est præoccupare tela fortunæ. Unus hic alter Antigonus, unus pro mille non pro centenis militibus numerari poterat. Erumpit ingens gloriæ splendor è mortuali cinere *Illustrissimi Tui Parentis ANDREÆ Skrzetuscij Iudicis Sandecensis*, qui non degener à suis Proavis Nepos, Magnum suæ Domui Columnen accessit. Adhuc prætextati juvenis vivacem Indolem mirabantur doctiores Poloniarum Athenæ, in adulteriori ætate attonita Patria obstupuit propensiorum erga se animum. In publico Nobilium consensu disertum egit Tullium, vel ignes dicentem Hocratem, ubi frigidiores in publicum mentes accendere matura persuasit deliberatio. Ipsi Purpuratæ Palatinatûs sui Curia parietes auriti quodammodò esse videbantur, ad *Skrzetuscij* Oracula; ad faventem illius vocem in ceram emollita vix non colliquefcebant marmora. Quot verba tot pessulos vel seras ori omnium imposuit. Non homines sed immobiles statuas hæreere tunc credidisses quando disertissimus hic Nestor loqui incepit. Attoniti oculi lapidescere cogebantur, in Saxum diriguere obstupescere palpebræ; exangues vultus in silicem obdurati ab ore illius pendebant; admiratione defixæ frontes, profundioribus rugis sulcabantur. Saxea Deucalionis proles, vel caucasô stirps progenita cerni poterat; quoties verba fundebat *Skrzetuscus*. Limatum tanti viri ingenium suspexit Sandecensis Areopagi Themis, qui in Tribunali sua affabilitate venerabatur bonorum animos, malorum crimina irrevocabili sententia plectebat; non ignarus illius effati. *Ita parcendum est uni, ut clementiæ fructus ad multos perveniat, ita fulminandum, ut stervantur paucissimi, quam plurimi terreantur.* Alibi centoculum agit Argum respectus, apud *Skrzetuscium* etiam exoculatus locum non habuit. Rectissimus causarum Arbiter nunquàm venalem proposuit justitiam, quia illius gladium aurea cote hebetari non acui putavit. Sæpènumerò infirmitas causæ etiam agonizantis non timeatur, dum remedia juris acquiri & emi possunt. Podagricum alias negotium optimè incedit, si donantis dextera hiramgram non patiat. Dare tamen Consilium ad rem pessimam meliorandam ob alicujus præmij illecebram, idem est, quod medicinæ locò venenum propinare. Aurum quippe iniquitatis est clypeus. Misera innocentia, sub nocenti ludice, quæ se eodem scutò defen-

*Andreas
Skrzetu-
ski Pa-
rens Il-
lustrissi-
mi.*

31
dere debet, quô summa scelera defenduntur. Nemo vidit aureo hoc umbone armatum *Skrzetuscij* pectus, non enim erubescit veritas, si nuda appareat; pulchrior illi sua nuditas, quàm si aurô bracteatos cultus induat. Delatam hanc Civium Palatinatûs communi Suffragiô Authoritatem Iudiciariam, sic tractavit ille Patrius Aristides; ut ab omnibus ex æquo Iudex reputatus, etiam pro conscientia justus haberetur; cuius ratio nullius mancipata imperio, nullius empta gratiâ; tam longè ab assentatione absuit, quàm id unicum virtuti suæ debitum fuisse noverat, nunquàm privato prætextui, semper publicæ inserviendum esse iustitiæ. Alij à simili virtute fortasse æquè conveniat nomini suo similem adlegisse: hujus pudor & iustitiæ soror

Incorrupta fides nudaq; veritas,

Quando ullum invenient parem?

*Ioannes
Skrzetu-
ski.*

Buccinat vocali classicô publica fama *IOANNEM Skrzetuscium* cuius vel exinde nominis amplitudinem metiri possumus, quod multis vicibus in comitijs Palatinatûs sui Posnaniensis Nuntius, optimè spartam hanc coluerit. Attonabat omnium aures tornatæ dictionis facundiâ, gravi sententiarum pondere omnes in admirationem rapiebat. Majestuosî vultûs spectatores millenos habuit, totidemq; suæ eloquentiæ Auditores, ex quibus nemo criticus censor extitit. Ipse redivivus Cato si illius effata auscultasset, nihil censurandum inuenisset. Verus erga Patriam illius candor in paginam effusus vix non extinxit atrum sepiæ colorem; literis expressior illibatæ mentis character satis egregiè eluxit. In annotatis atramentô syllabis quidam carbunculi micabant igne vibrantes fervidi erga bonum publicum amoris. Volatice rapiebatur impetu *Skrzetuscium*, ad quodvis obsequium Reipublicæ Gentilitiam sui Palatinatûs Aquilam æmulatus; cui suffecit unicû fulmen ad hostes profligandos, indoles generosa. Credideris sanè illam *Alitem* in *IOANNIS* sudoribus niveum induisse candorem, nisi candida foret; imò falsis ejusmodi fluentis toties rejuvenescentem evolâsse. Adamantinas obstinatorum mentes emollivit svave illius consilium, novus Hercules ferreos aliorum animos lenioris svadæ traxit catenâ. Polona Libertas nunquàm, servitutem passa, captivam se esse fatebatur, inter aurea *Skrzetusciani* eloquij vincula; libenter tamen ejusmodi compedes portabat, quia pretioso illius nomini, & *Gentilitia Alitis* pedibus colligatis, assymbolas. Non potuit satiari Civium desideria, quin frequentius se eligerent tali Provinciæ administrandæ peridoneum. Omnes illius absentis imaginem in suo capite pingebant, ille in ore, ille in cordibus multò ante electionem versabatur. Pluribus svaviorem reddebat quietem, quia de illo somniantes dulcem tanti Viri memoriam ponebant, vel ipso sopore re-
præ-

præsentante *Skrzetuscij* Personam. Quidquid insuper dixit, ora-
 culum; si scripsit, miraculum; utrumq; si svasit. virtute, gestis,
 gloriâ, ter magnus; pacificus, doctus, facundus; Divinitate Pla-
 to, humanitate Traianus, iustitiâ Salon, sapientiâ Salomon. Ma-
 gnum ei & sublime in nostro *Posnaniensi Franciscano* patet *Mon*
ticello Nomen, quod & ipsum tangit Olymphon; dum hic libe-
 ralissimus in nostros, multos in *Ædes Marianas* elargitus num-
 mos; cui etiam nostræ *Cancellatæ Manus* Seraphicis pennis hoc
 commune ibi & alijs Benefactoribus *Rydzinſcijs, Domiechowſcijs,*
Radomicijs, exaravit in pectore elogium; semper honor Nomenq;
 eius laudesq; manebunt. Æmula huic respondet virtute, *FRAN-*
CISCVS Skrzetuscus cujus probatam prudentiâ authoritatem, vi-
 dit multoties Palatinatus Cracoviensis, vidit inquam in splen-
 dido Comitiorum theatro acerrimum Libertatis Polonæ Defenso-
 rem; qui dulci eloquiô multorum odia & dissensiones composu-
 it. Aculeatæ contravenientium apes ingrato obstrepâtes mur-
 mure taciturnitatem didicerunt; ut omnem prorsûs amandarent fu-
 cum, qui mella concordia absumeret. Toties magna illius indu-
 stria amovendis Palatinatûs disturbijs efficacem porrexit modum,
 ut ipsa pericula, quæ alijs metum incutiunt; timerent pennam
Skrzetuscij & virilem dexteram. Ita sanè in prudentibus Consi-
 liarijs clarum ingenij lumen est quædam polaris stella fluctuan-
 tem Reipublicæ Navim ad portum dirigens. secundæ Oratorum
 linguæ, acus Magneticas imitantur; quæ Patriæ onerarium in me-
 liorem flectunt portum, ne patiatur naufragium; aut malorum vo-
 ragine pereat absorpta. Et cerè omne Regnum (testante Lipsio)
ultimam vitam agit, nisi illam bonorum Civium consilia vel reda-
niment; vel spiritum detineant. Agnizantes rerum successus fa-
 cilè reviviscunt, si magni iudicij sensus ultimum expirantibus an-
 helitum, succurat. Majorem adhuc *Skrzetusciana* gloriæ cam-
 pum ingredi liceat, in quo Sagacior pupilla observabit lectissimam
 Fratrum unionem, videlicet *IOANNEM & BARTHOLO-*
MÆVM Skrzetuscios, quorum magna Nomina venerabundus ca-
 lamus tenuiori stylô delibavit. Nobilis hic Fratrum binto omnes
 difficultatum fluctus, melius quàm tridens Neptuni, maris tem-
 pestatem; sedare potest. Ad Phœnicis raritatem accessit pul-
 chram adeò spectare Fratrum coronam, quæ pro gemmis unio-
 ne animorum ornata, in conspectu nostro resplendet. Prodit hoc
 Nobile par Fratrum ad quorum Panegyrim hærent umbratiles ca-
 lami, iamq; frigida timoris hyeme congelati, unicam eliquare
 stillam nequirent; nisi splendidissimi ignes *Skrzetusciana* virtutis
 glaciem hanc resolverent. In utroq; Fratre quis non obstupuit
 pueritiæ auroram? quam doctior Phæbus comitabatur, illustris
 omninò satelles. in tenera ætatis concha clauferunt nobilem pru-

inter Be-
 nefacto-
 res Con-
 ventus
 Nostri Po-
 snanien-
 sis nume-
 ratur.
 Franciscus
 Skrzetu-
 ski.

Joannes
 & Bar-
 tholomæus
 Skrzetu-
 scij fra-
 tres.

31
dentiaë gemmam, circulari æternitatis annulo inferendam. Quilibet vaticinari poterat ex utriusq; *Skrzetuscij* juvenili indole quantus posthac futurus esset; neq; spem elusit eventus, quia omni tinctum literatura multæ functiones probârunt. Multi infantilibûs fascijs felicissimas evolvunt prognoses, in Patritijs cunis scribunt futuræ virtutis omina parvis pusionibus; si verò maturior ætas votis illorum non respondeat, Cælorum influxus accusant; ignavo homini, Cancris tarditatem, holerico Scorpionis iracundiam, appingunt. Frustra spes in herba vernans aspicitur, quam sequens tempus sua falce demetit; culmum non expectans. nonnulli sperant auream prolem, sed simul timent ne sit plumbea; timere autem desinent, si sperare desierint, quia spes metum sequitur; utrumq; pendentis animi est, futuri expectatione solliciti. Respondit non dubiaë spei uterq; *Skrzetuscus* quam in primo illorum juventutis flore multorum formabant auguria.

Bartholomæus Administrator Salisfodinarum.

BARTHOLOMÆVM æquissimum veritatis & fidelitatis assertorem in administratione Salisfodinarum ut videre posset luctitia de cælo prospexit. Vel minimam corruptionis umbram fugiebat, ne lucidam virtutem obumbraret; semper in conspectu illius expalluit aurum, quia timebat manus munerum contemptrices, in multos sævam exercet tyrannidem avaritia, quia illos damnare ad metalla didicit; truculentiam hanc evitavit *BARTHOLOMÆVS*, adversus cupiditatis tela omni circumspeditione armatus. Martiales ejusmodi ausus & veri Administratoris fidelitatem ipsa loquetur immortalitas; circa Salisfodinas operariorum voces melius personabunt ubiq; quàm calami describent; & liberalitas pestifero tempore his & alijs, tum Fratribus nostris impensa, sanum circa administrationem illius caput, prædicabit; incolumem undiq; apprecando valetudinem. Debitò & Fraternò veneramur cultu Paternis insistentem vestigijs

Micbaël Christophorus & Josephus Skrzetuscy Bartholomæi Filij.

MICHAEL CHRISTOPHORVM *Skrzetuscium* *BARTHOLOMÆI* Filium, genuinum Iovis germen, & dignam magni propaginem *Æacidæ*; magnæ expectationis in nostra Religione *Novitium*. Non sufficiebat, ut illius diligentiam & devotionem in nube hujus sæculi cælum unò tantum solis spectaret oculò, ideòq; ad *FRANCISCI* transeuntem umbras, & sub nocturni temporis conticinium vigilantem, è suis stellis innumeras aperuit pupillas; Seraphinorumq; (*Franciscanorum* intellige) dirigit palpebras: quibûs religiosas, modestas, laboriosas ejusdem in schola Religionis lucubrationes; aspicerent. Non degener hic *Ales* à suis *Accipitrinis* facundiam rostris, tulit auribus nostris; pennas & calamos, (quibûs ejus exarabitur in Religiositate profectus,) *Manibus* inseruit *Cancellatis*. Certè egregium *CHRISTOPHORVS* noster magnæ

31
magnæ indolis specimen præfert; qui & Nomen *Patru* & omen
habet. Apponet *Dominus* pro hac *Penna Aliti Vestra Illustrissi-*
mi Parentes millenos laudatoris Nominis Vestri calamos, dum
vos sursum pijs portabit suspirijs *CHRISTOPHORVS*.
Vidissemus germanum ejus Fratrem *IOSEPHVM Skrzetu-*
scium in *Alma Scientiarum Vniuersitate Cracoviensi Alumnum*,
qui pari eruditione & devotione cum Fratre *CHRISTOPHO-*
RO juvenilem ornat prætextam; & Gentilitijs *Alis*, Pòéticum
sustentat Entusiasmum. Benè sentire, benè loqui de illo omni-
um est; & meritò quia *BARTHOLOMÆI* Filius, succes-
su temporis, *Os Principum* appellandus. Necesse tandem duci-
mus ut Maternæ Tuæ Domûs *Zukowsciana Illustrissimi Ante-*
cessores triumphali passu ad *Insulati Honoris* Tecum egrediantur
Ascensum, nisi iidem egredirentur; quos iam vidimus *Accipitri-*
ni, cum ejusdem sint *Zukowscij* & *Skrzetuscij* Gentilitiæ *Alitis*
Pulli. Longum foret & plures Domûs Tuæ *Illustrissime Præsul*
statuere in hoc triumpho ex *Skrzetusciana* stirpe columnas, lon-
gum foret omnes Majorum Tuorum numerare gressus, quos
in egressu ad *Illustrissimum Insulati Honoris* calcares *Ascen-*
sum; tantas enim bases tenuis pagina sustentare nequit,
sub quarum pondere etiam Orbis Polonus fatiscit;
tot palpare Domûs Tuæ gradus, imbecillis
noster non sufficit genius.



TRIUMPHUS II.

Colligatas Familias DEDUCENS.



Non præ-
miatur,
qui non
meretur.

Vi felices aliquando esse volunt, laborare debent: (dicebat Terentius) ut aliquando magna eveniat merces, major adhibenda cura; nulli ad aram Honoris, nisi per templum Virtutis patebat antiquitus via, (*hic virtutibus honos.*) Nihil enim sine magno vitâ labore dedit mortalibus. *Augustum Illustrissimi Infulati Ascensum*, nulli competitore voto attentare licuit, nisi qui luctæ & supremis honoribus indefessum victimavit la-certum: illud dicere volumus, quod Tibi non pridem nostra cecinit *Musa*, quia Virtus intaminatâs fulgens honoribûs neminem præmiat, nisi emeritum *Illustrissime Præsul*. Illos enim Coronarij Regum cinctus, & fulgentia diademata constringunt vertices, qui ampliata in fatigia mentem nutriverunt; in illa inquam deflua pronitate gemmea tempestas diadematum pretiosis fluctibûs devolvitur tempora, quæ profundis amnibûs operosi sudoris innatabant. Alias rarus lason aureo ditioris Colchidis intensa desideria coronabit spoliô, ni scyllarum rabiem, & armatum sævis Aquilonibûs Oceanum, metu prætendente pericula evicerit. Vnde prius extensa jugera, & salebrosos emetiendi calles studij athleticum prægustet vestigium, si aureos Regij honoris fructus, & coronatam adoreis metam libuit delibare. Aversantur Illustres tituli tenebris & otio addictas mentes, fugit decorum trabeæ purpurissum illos humeros, quos nullum onus examinatore periculo exploravit. Scilicet sublimatus dignitatis apex, quò altiùs elevatur, eò asperiore turgescit arduitate, eminente supercilio, animo luctatori minando ex alto labores. Citiùs quia decennali præliô in deditionem obstinata inclinabis pergama, citiùs cum Annibale chalybeis malleorum ictibûs protervam Alpium emollies duritiem, rigentia inconcusso adamante honoris limina, quàmvis sæculari oppugnes luctamine in pertinacem Caucasæ Silicis venam occalescent. Et quàmvis mole ruit sua, quod fortuna magnificis solidavit ausis; tamen inaccessam dignitatum arcem adeò etiam firmo roboravit munimine, ut licet Herculeis tumescas viribûs, licet in suppetias certaminum accersas Briareum, refractarium reluctantis Numinis nolle minimè in vota tua inflexisti. Per Iovem! quot
hic

hic numeraveris, qui vitam amiserunt, ut invenirent fasces; ut ele-
vassent Coronatum sinciput, colla fregerunt; ut rubuissent Tyri con-
chyliô, sanguine manârunt proprio; ut infra superbum Pedem re-
lictô vulgô sublimia scandissent pegmata, ad ima profundæ abyssi
ceciderunt! *Idem omnes accendit honos, idem excitat ardor, certa-
tim insiliunt, qua semita ducit in altum: arripiuntq; gradus, quos mer-
dicus ore tuentur exercentq; manus, & se statione vicissim proturbant,
tolluntq; caput, calcantq; relictos.* Retundit nos indignabundæ for-
tunæ averfio, tamen accedimus; prodit nefastam sui fastûs magni-
ficentiam, tamen & hanc curamus; fastigia non sine fastidio elar-
gitur, & apprehendimus; honores non sine oneribus offert, & li-
benter recipimus; confundit ausum, & tamen præcipitamus aful-
tum; enervat arduitate robur, & tamen vires fractas colligimus;
non secus atq; Lymphatica undæ insolescentis procella, quoties
violento impulsu in saxum impacta scopulum, semper repercussa
discedit; aut ille temerarius Gigantum ausus, ubi per accumula-
tos montium acervos, cælum intentat scandere, à potentia vibrati
fulminis dejectus, pro ambitione Æthneo oppressus pondere inge-
miscit. Vnde non immeritò rigidis excubijs purpuratos postes au-
dax virtutis armavit providentia, ne immeritos honoratis adle-
gisset palatij; aliter etiam simplex vulgus subveretur procacibus
desiderijs dignitariam accedere januam, cùm eidem sceptro nuper
aratriis inservetæ manus, & quas Victor exercuit chalybs sese ob-
tulerunt; ut posthac dignis tantùm recludat aditum, universis præ-
pedivit. Vidimus quippè non sine mentium excelsarum vulnere,
vidimus in Aufonia majestate ancillâ natum Varronem, & famu-
lum Orbem dominatore sceptro ad sua cornuantem imperia. Sic
Concinnatum observavimus, qui *fessos hæris duxit boves, dat magnis
hodie jura Quiritibus, & quæ bobus ademerat, imponit Gabijs, & Cu-
ribus juga.* Debuccinat jactabunda voce, in aures mundi septies
consulari subnixus sceptro Marius: *Non possum vobis Patres con-
scripti antiquas Nobilitatis meæ imagines præsentare.* Hodie Præ-
mislaus ferrato vomeri oblonaturus accumbit, cras inter mensas
regio apparatus luxu aureum pomum Orbis illi apponit Bohemi-
cusl. Sic Lesconi rudem Polonus detraxit lacernam Monarchali
obtatô paludamentô. Restrinxit igitur, restrinxit latèpatentes
in rabeata penetralia fores, cautior tot exemplis reddita virtu-
tis advertentia; ut abhinc non cuilibet permissum sit istam adire
corinthum. Vnde quæ adoriri non valuerunt, adorare cogun-
tur limina miseri invasores. Mendicos putares, qui ut modicam
honoris emendicent portionem, vitæ tempora petendæ amiserunt;
ut serenior fronte illos clementior respiciat virtus, post quæru-
losos singultus pluviosos ab oculis destillant nimbos; vel ut mer-
centur aliquid plorantis dispensant palpebræ uniones; vel ut il-

Quia im-
meriti
trabeas
ambiunt.

lis obstinata pandantur limina, gemmeis globis pulsando jaculantur. Sed non voces quæulæ, & pretiosæ missilium votorum hastæ honorata recludunt limina: pulset virtutum concentus & panduntur. Nam

Alta cadunt vitij virtutibus infima surgunt.

Sic virtuti honor promptaq; fama venit.

Alijs esto, solo Nomine & ingenti illâ titulorum pompâ à Majorum simulacris derivata non modicè profuit excellere; ut qui nimirum plus fortunæ quàm ingenio confisi, suô confusi probro, depressi socordiâ, sædatis insolentiâ, obscurati luxu, labori inertes, gloriæ oneri, posteris fastidiô vivant. Tibi haud unquam tam confusa suppetière Astra, nec talium fato mens generosa succubuit; cui præter ornamenta naturæ, felix virtutum concentus ubiq; ad frugem in vita prodesset. Profuit quibusq; obstetricante manu fortunam in robur solerti, & quaqua versum industria volitanti educere, favores aucupari favoribûs, honores lucrari honoribûs, & altum pressâ ambire reverentiâ; illis quibus virtutis Nomen sine Nomine, labor, improbitas, sudores, nausea, fastigium, casus, ut Pœta arguit:

Sunt quos tentat honor, volucrisq; per invia cursu,

Præfixam mandat per fas evincere metam,

Lucrî avidos: sed cum spes maxima fertur in altum

Edocet Icariam, miseros deflere ruinam.

Menti Tuæ non hæ in casum aliquando Alæ succrevêre queis nunquam

Venales captant æraria plausus.

Corrupta fidem, sed meritis offertur ineptis.

Principum pura mente favor.

Non hic inflatus à natura genius, quî solida meritum basi, subnixi grande, & immobile à pondere virtutis fulcrum in honoribus occupârunt. Hoc Tu ariete, hoc assultu tentasti *Insulati Honoris Ascensum Illustrissime Præsul*: ipsa *Gentilitia Solea* solidos Tibi per *Accipitrinas campanulas* calcare labores signabat, antequàm huc *Ascendisti*: & eidem *Soleæ* assidens *Cruciger Ales* signum ejusdem præsefererat, arduum ad honores indicando quadrivium: per quod venisti ad *Crucem Pontificis*. Ad sonitum hunc *Soleæ* Tuæ, & *Gentilitij Accipitris* campanularum, melius quàm ad Orphæi plectrum alijs caucaseis Tibi jam molliores hujus *Ascensus* in triumphalem choream subsilierunt lapides, quibus merita Tiaram Tuam & Præsuleum distingvunt Annulum. Arietasti hanc Troiam generoso virtutis impetu, proindè dignus ipsius Cæli indiciô videbâre, ut *SZEMBEKOVIVS* IbeX, quem & Sarmatici, & Quirinales, tum Ecclesiastici lasârunt tituli, Tuum majorem Herculeô lacertum, in oneris Ecclesiastici

ex

Celiffi
mus Pri
mus Re
gni, Jlu

ex Candidatis plurimis unum proponeret participium, ut verum sit,

Illustrem fama Magnum simul arte piumq;

Virtus & pietas, ipsaq; fama vebunt.

*Strissimū
Serenissi-
mo Regi
AVGV-
STO II.
recomen-
dat.*

Ex quo mensuret jam magnitudinem Tuam Ecclesia & Lechia, examinet profundò scrutiniò potentiam brachij, quibus possit sufficere purpuris; ubi post diuturnam deliberationem in consistorio *Sacra Regia Majestatis* Tu unus his Præsuleis laboribùs Alcides dignissimus censebaris. Quantus es, & quàm altè verticem Tuum virtus extulit? hinc metire, quòd nimirum *Celsissimus Princeps, Primasq; Regni, STANISLAVS à Stupow SZE MBEK, Archiepiscopus Gnesnensis, Legatus Natus, Primus* inquam *Princeps* Senatorum adoreis, Principali Mitrà, Archipræsuleis Tiaris, & quod rei cardo est summarum mole curarum, & si quod aliud in honore Celsissimo onus perpendi solet oppressus, proximius *Ecclesie Bacchoviensi* præter Te non invenit fulcrum; & hoc demum palmarium est, *Serenissimo Regi AVGVSTO II.* Te verè dignum hâc Tiarâ detulit *SZE MBEKIVS*, ad quod *Majestas* declinavit. Acproinde indiscretum virtutis genium nullus dixerit, solos ipsa à conclavi honorum arcet immeritos, quando Tibi meritissimo dignitarium & libenter & reverenter permittit *Ascensum* amotò omni offensò. Dij illi quos fabulosa antiquitas foribus effecit Præsides, ejurârunt tunc Divinitatem suam, cùm Te quasi maximum Numen terræ in trabeatis laribus hujus *Ascensûs* suspexerunt. Quare alij maximis inceserunt tripudijs, alij tarditatem virtutis increpabant, quòd adulto vertici Tuo adoreis, primùm hodie sublimatus Infulæ apex obtigisset. Et certè digna foret objurgationis castigari verberare, nisi paratos ictus innocentia retunderet, eò quòd magnis virtutibus Tuis & meritis proportionatum statuere præmium non unius diei labor, sed seculorum fastigium habeatur. Sic cujusvis textoris manus, in vulgare brachium in momento lacernam texuit; splendidiore trabea ipsius Minervæ artificiosam diu poposcerant dexteram. De gramine & simplici flore, uno quadrante plebeia manus concinnavit ferream. excelsis magnorum virorum temporibus, annus integer cudit obryzum in coronam. Maturum ergò & meritum taniâ caput Tuum redimitura virtus, diu negavit præmium, ut dignum daret aliquando. Ita Iovi & Marti maximis Dijs, per annos tractus excitantur Basilicæ ædes, seculum & alterum Iones detrivârunt Dianæ sublevando parietes Ephesinos. Panes ex virgultis plexò domiciliò honorantur contenti. Antequàm Delphus Apollinem aureo venustaret amictu, diu statuam pulveribùs aspersam, intenebroso observavit; ut postquàm illi in debitum circulum formavit aurum radios, Aris & Sanctuario impositus ipsa

vultus Majestate inscijs Divinitatem suam pervasit mortalibus. Distulit & Tibi *Illustrissime & Reverendissime Præsul* in hæc usq; tempora Infulatum muricem providus honor, ut Te non cuiusvis Aræ statuisset Præpositum, sed *Bacchoviensis Antistitem*. Procede ergo, procede ad istum bonis avibus *Soleata Ales Ascensum*, conscende fortunatis passibus gradus purpuratos; exsuperata secundis Alitibus spes votumq; poli, quem primò à limine vitæ nutrix aula fovet, ad honoris procede fastigium. Isthmum non solum murum perfodere visus es laboribus & meritis Tuis, ut Gentilitio adæquares *Illustrissimi Prædecessoris Tui ex Ordine nostro FRANCISCI Biegański, Prawdzi;* multis stipatus virtutibus *Ascendis*, & metuendi Leonis sui rigido ungue *Orbicularem circum* triumphali Tuo *Ascensui* libenter exporrigentis sequeris vestigia; ergo procede, dum idem Te comitatur *Leo*, ut jam non soli Imperatores Romani ad Tarpeia Leonibus vehantur culmina. Ibis satis Augusto tramite, quem *Illustrissimi Affines Tui* honoratis triverunt vestigijs. *ANDREAS Czarnkowski* decus Poloniae, orthodoxæ fidei Atlas & columen, tum ejusdem contra hæreticos acerrimus Posnaniæ propugnator, affinitatis. Tuæ gloria, *Episcopus Posnaniensis*, quam manifesta Tibi reliquit vestigia! & sequeris hæc; virtute manucente, premis hos gradus, quos ille calcavit feliciter. Dederat *ANDREÆ summus Pontifex*, ad quem à Serenissimo *SIGISMUNDO AVGVSTO* Legatus missus fuerat, multas, etiam confirmandi Episcopos gratias; Te iam opus confirmare non haberet, qui in stadio virtutis nunquam languidè incesisti: nullis enim adminiculis indiges, ipsa Te merita *Antistitem* approbârunt. *ANDREAS* noster semper ardebat etiam tempesta nocte, & in aurora; ubi vigilibus excitus curis, dormire non potuit gregi commisso intendendo; vidisses eius fidei orthodoxæ ardorem Vulcano libros hæresim sapientes mandantem! vidisses quam nullum avidius pabulum depascebantur voraces flammæ, quam illos *Czarnkowiana* in unum strinctos *Fasciâ* codices, hæretica imbutos pravitate sibi commissos; per chartas liberius grassabantur ignes, perversæ doctrinæ feraces periodos absumebant. Tales libri non alia luce digni fuerunt, nisi illâ quæ in fatali rogo accenditur. Erubesceret meherculè Pallas nostra simplicem tenuitatis araneolam, in tam Candida *Czarnkowiana Fasciâ* tela, vili acu rudimenta sua depingere, nisi eadem *Fasciâ* Tuo obstringeremur Præsuleo Nomini. Hinc ergo nihil Te *Illustrissime Antistes* in his Infulatæ dignitatis Olympijs retardare valet, quando velocibus avitæ *Soleæ* Tuæ vestigijs insistens movet *Ales*, & patritia *Czarnkoviorum Fascia* (quæ fortunæ versatilem genium nodò sibi adstringit Gordiò) optimè Te ad huac succin-

Colligata
Familia
Czarnko-
vii.

31
succingit *Ascensum*. Sed Triumphali Tuo ad *Illustrissimos* *Insu-*
lati honoris splendores *Ascensui* maxima quoq; *Byliniorum* allucent
Nomina, quorum cum *tribus* *Soleis* sub armata manu decussatim
Acinacis positus, vel astrum in Sarmatico accendit horifonte vel
efformat calcar excitans ad facinora sæculis memoranda. Quan-
quàm non eget generosa *Byliniorum* Indoles, ad exæquandum
æternitatis gloriæ stadium impulsore stimulo, cui pro corona Le-
chiæ cruenta Martis decurrere Olympia amor in Patriam jure
mandavit hæreditario. Illi enim tantum ad metuendam Bellonæ cho-
ream atq; æstus perurgeri debent Mavortios, qui tunc se pro
focis stare arbitrantur, cum illis assident; tunc hostem fundunt,
dum prælia mensis pingunt, fusq; metantur falernò; Illustres
Byliniorum animæ alios non amant ignes, nisi quos ignientis Gra-
divi fax in incendia suscitavit præliorum, alium turbatæ fron-
ti sub galeis pulvillum non quærunt, quàm cristas Martiales;
aliam non expetunt quietem, quàm perpetuis excubijs sub gla-
dio vigiles producere noctes.

Illis sub nivibus somni, curæq; laborq;

Pervigil; hanc requiem terris, hæc otia rebus

Insperata dabunt quoties sub pellibus ducunt

Edonas hyemes & tardi flabra Bœtæ.

Claudianus

Quantos Domus hæc in Domum *Skrzetuscianam* apportet splē-
dores? quanta derivent lumina? nec ipse atror umbratilis pa-
ginæ referre valet. Tacemus quod eos olim Principalibûs Mi-
tris sublimes adoravit Gnesna; præsertim *BORISLAVM* *By-*
lina, qui pro Sacra fide & negotijs Regni ad summum Pontifi-
cem CLEMENTEM V. agens Legatum, quatuor annis confir-
mationem & causarum cum Crucigeris, tum Episcopo Rigenfi
decisionem expectando, obiit *Avenione*; quod Senatorijs Lechia
elevavit curulibûs; quod infractos umbones in hostico locata vo-
cavit Podolia; quod Sarmaticæ, Masoviticæ, & sub montibus
Vngariæ leges eruditos agnoverunt Solones? unum dicimus &
universa narravimus, quod Serenissimarum Majestatum in suam
& *Skrzetuscianam* Domum inextinctum jubar reflexerunt: post-
quàm optimè meruerint. Et quàmvis *Byliniorum* merita & tri-
umpho, satis decoris Tuo adderent *Ascensui*, *Illustrissime* *Præsul*,
adhuc tamen injuriâ Tuum læderetur Nomen, nisi *Swięćcio-*
nam *Gentilitia* *Krzywda* Comes Tui deduceretur *Ascensûs*. Nul-
lam hæc antiquissima Domus aliquando passa injuriam, dum pro
suis meritis convenientibûs decoratur præmijs: imò affinitate
sua & facili per *Gentilitiam* *Soleam* ad murices tramite totum
fortunæ ad incitas redegit ærarium, quæ cum ei ex æquo in-
genita merita, compensare non valet, obærata *Swięćcijs* in æ-
ternum se mancipium debet obstringere, ne sit eis injuria; si

F

enim

Bylinj

*Swięćcio-
cy.*

Gawron-
scij.

enim vellet Palatinis se exsolvere honoribus, *hos iam gesserunt Honores Swięćicij*; si Castellana obtulerit sedilia, in his iam pri-
dem didicerunt sensus formare graves, si gemmas Regni signa-
torias expendere præsumpserit, has tractârunt; si Insulas & has
emeritò sublevaverunt vertice *NICOLAI*, si Ducales Clavas inges-
serit, his hostes Patriæ terruêrant; si deniq; Patrium thesaurum
deposuerit majori pretiò gloriæ suæ, eundem adaugent *Swięćic-
cij*. Orbe majus *Gawronsciorum Caput* Tibi se acclinat, quod
nimis forsan injuriosè tractamus, dum unius periodi excipimus
capitoliò. Superat hoc amplitudine sua protensa etiam ad ulti-
ma Thulen Augustalia; ipsum cælum vix latè patenti ambitu tan-
ti capax verticis, ex quo sæcundiore partu quàm ex Iovis cere-
bro tot suscipit Numina, quot *Illustrissima Nomina Gawronscio-
rum*. Cedunt his ultro suis astra sphaeris, Sereniores in *Ga-
wronscijs* adorando planetas, quorum luminibus fulgens Polonia,
non immeritò affinem se jactat Polo. Ex uno *Illustrissimæ Pa-
rentis* Tuæ secundi voti *Marito*, dum mensuram splendoris Do-
mûs *Gawronsciana* colligimus, pupilla nostra tantis inassveta
splendoribus, miratur virtutis *Gawronscianam* claritatem, ex qua
Patriæ & orthodoxæ fidei semper lætior it dies; ut pleno ore
sæpiùs illud cujusdam Pœtæ repetere sit dignum pœma:

Tot Consos, Fabiosq; parit, Tibi Lechia cælum;

Nomina quot numerat, Gawroniana Domus.

Consilium, ferrumq; petas, nil illa recusat :

Vt potè quam firmant, hinc Manus inde Caput.

Insidens medio stemmatis hujus fortis *Amazon* extollere in
æthera junctas ante se videtur Manus, quibus alta Tibi acclina-
re vult fastigia, vel felicissimæ Inaugurationi applausus intentat
excitare, vel sibi demonstrare quàm sublimia *Ascensurus* es digni-
tatum culmina. Seqvuntur fortunatissimum passum Tuum *Illustris-
sime Domine, Buderoviciorum Sagitta*, in summo honoris Tui api-
ce metam tangentes finalem. Nempe Avitum hoc telum, quod
in barbaris scrutabatur mortes pectoribus, solum arcum exam-
bit triumphalem, cui non alius color præter hosticum cruorem
æternitatis gloriæ impressit symbola. Merisset toties naufragis
syrtibus scythicus exundans Bosphorus, vel ferrea diluvies Gra-
divi tempestuosam excitans procellam, nisi *Buderoviciana Sagit-
ta*, inter has nubes tumultuantium bellorum arcum fæderis an-
tenderet. Et verò alatum famæ pernicis remigium *Sagittam* hanc
suis instruxit pennis, ut Aquilam *Lechiæ* sub concavum *Othoma-
nici* volantem planetæ sequeretur. Adeòq; veritas pateret nar-
rantium vatum *Sagittas* lumen solis aliquando obscurâsse, quan-
do & hæc *Avita Sagitta*, Turcico sideri non semel extingvere
cornua attentavit, quæ in nostram ruinam attolebat. Nescit
quippe

quippe volatica *Buderoviciorum Sagitta*, aliud centrum appetere; se intenso virtutis nervo propellente, quam vel quod hosti-
 cæ obiectant frontes, vel debita sublimant fastigia. Non refo-
 diamus vel ipsò *Sagittæ* hujus stylò tot *Purpuris* rubentes *Bu-
 derovicios*, Antigoni sunt pro honore. Illis *Patritius Annulus*,
 velut quâdam compede servitutam obstrinxit fortunam. *Błęszy-
 niana Volucris* auspicio Tuo *Ascensui* ad *Illustrissimos Insulati* ho-
 noris *splendores*, bonos præmittit Aves *Illustrissime Præsul*, & quia
 magnitudo virtutis Tuæ sublimem necesse præoccupet clivum,
 utere hujus *Alitis* pernici remigiò. *Alas Alis* adde, & summis
 meritis conveniens tene præmium. Nec expavesce Icarix soni-
 tum ruinæ, hóc nixus adminiculò; *Błęszczyniana Ales* infra toti-
 es æmulum fideribus relinquens olympum, sub ipsum solis eve-
 ctus radium, indefessas alas sublimibus assvefecit; ideoq; vicinò
 adusta Phæbò, adhuc inspersum pennis circumfert atrorem;
 ejusdemq; *Cruces* non solum Constantino Magno, sed etiam Ti-
 bi Maximo præludunt ad Triumphum **CHRISTOPHORO**.
 In quo virtutis gradu consistitis *Illustrissimi Błęszczynij*, facile com-
 putamus ex bino *Crucis Vestræ* numero, licet alijs in trino vel
 in octavo summa perfectio est. Nunquam meliore fulcro in-
 tegritatem suam fulcire potuit Sarmatia, quàm *Vestæ Crucis* sub-
 nixa laborò. Distulit illa toties hoc signò salutiferò à Mæo-
 thide scythica confurgentem bellorum tempestatem. Quolibet
 anni tempore Patritium spirantia virtutis, meriti, & Magni No-
 minis odorem *Pawłowsiorum Lilia* cum splendidissimo propen-
 sionis candore suum explicant florem, ad fulciendum *Lilijs A-
 scensum Tuum*, ut videat orbis quia cum integritate vitæ huc
 advolasti; eorum quoq; *Sagittata Columna* Tuis meritis plus ul-
 tra honorum inscribit. Plenissima hæc Domus in Palatinatu Po-
 snaniensi favoris & pietatis erga nostrum *Posnaniense Monti-
 cellum* multa reportare speret à nobis obligationis & gratitudi-
 nis timiamata. Hic adest trabeatus *Piascciorum*, Purpuratus
Kozubsciorum, in laticlavijs *Vieysciorum*, decorus in togis, sago,
 & chlamidibus *Sędzimiriorum* ordo, unusquisq; suum apportans
 trophæum. Imò omnium *Soleatarum Demorum* Te comitantur
 laudes, quæ nunquam ad suum ascendissent honoris fastigium;
 nisi *Soleas*, gressus ad hoc facientes, (o) primus invenisset *Ac-
 cipitrinus*. Horum patritiæ decus *Soleæ* barbaras premendo cer-
 vices, non titubante gressu, quia horridis armatum uncis, Ge-
 ticam aut Moschoviticam persequendo feritatem, sub frigidam
 Arcton, & qua bruma rigens ac nescia vere remitti adstringit scy-
 thicum glaciali frigore pontum excurrerat. Non gravat *Ferre-
 um* hoc *Insigne* Illorum Indolem, quin possint vel in arenam
 bella-

*Błęszy-
 nij.*

*Pawło-
 wscij.*

*Piasccij.
 Kozub-
 scij.
 Vieyscj.
 Sędzimi-
 rij.*

F2

(o) OKOLSKI, PAPROCKI *sub Iastrzebiec*

bellatoris Gradivi, velociori subilire pedemate; vel in purpura-
 tos dignitatum gradus, eluctari. Vnde si in hac *Gentilitia Tesse-
 ra* splendorem observas in acie bellica expolita, longo splende-
 scit abusu. Si rubiginem notas; hanc illi cruor insperfit barba-
 rorum. Quantum gloriæ præstat Merellus noster Sarmaticus',
Ales inquam Tuus *Antistes Illustrissime*! qui præter naturæ (p)
 (cùm sit aureus) splendorem, egregijs dotibûs ab animo &
 fortuna cumullatus, ad illustria gesta maximarum etiam Familia-
 rum sanguine decoratur, nominibûs pennatus; qui Domui suæ
 tot purpuras Regum decus, quot aliquando Cyneas in Vrbe Ro-
 mana, & in Civibus Reges numerat: tot Viros Consulares, Præ-
 torios, Censorinos, & Triumphales etiam, quot Illustres & ma-
 gnanimos affines. Imò quot ab Illustrissimis Proavis, Atavis,
 Avunculis, Fratribus, Nepotes, Filios, ad Senatoriam Prætex-
 tam, ad Consulares Togas, ad Pontificales Tiaras, Patriæ
 æterna decora produxisset. Tantîs ergo circumfusus &
 comitatus decoribûs *Præsul Illustrissime* progredere,
 nos ad Tuum descendimus, ad *Illustrissimos Infu-
 lati Honoris splendores, Ascensum*, & quàm-
 vis' tunc maximè livor fremere didicit,
 quando emeritam virtutem novi stipant
 honores, Tibi *Illustrissime* nemo invidet,
 impedit nemo. *Ascensum*.

(p) OKOLSKI, PAPROCKI sub Inſtrzebic)




TRI-

TRIUMPHUS III.

Illustrissimum Antistitem,
Inter Illustrissimos Infulati honoris splendores

S I S T E N S.

 Actenus, per coronata multorum desideria,
per submissa *Minorum* vota, per Augusta
sanguinis Tui decora, & Trabeatum Do-
mūs Patritiæ muricem, impar tantis curu-
libus Processit svada, donec post adoratos
Majores ad Te Magnum veniret *CHRIS-
TOPHORVM Illustrissime Domine*. Vi-
vunt Illi in Te acerbo funerum deplorati
luctu, vivis Tu in illorum mortibus posthuma Avitarum virtu-
tum Icon; ut vel omnes immortales sint, vel Tu immortalita-
tem singulis dedisse videaris. Septem prono annorum cursu
abierunt & ultra sæcula, quanta temporum abyssus! à quo sub
BOLESLAI Chrabri Regnatore sceptro Domūs Tuæ exorti
splendores, *Sarmaticæ Aquilæ* pupillam everberant nitore lu-
minum, adhuc tamen inter tantas ætatum umbras lucet *Acci-
pitrinorum* inextinctum jubar, cui Tu in medio Parcarum occasu
accendis meridiem, *Illustrissimus*. Quidquid enim profunda fati
oblivio per *Antenatorum* Tuorum Divos oblitteravit cineres, to-
tum gloriose meritorum typō refricas, *Avīs* decorus, *Ales;*
Avorum decus. Dedisti in Te documentum orbi, quod ex-
tingvi nequeant à stirpe præclara, traduces ceræ si non obscura
Filiorum nutriantur indole; stringit quidem liberalis in cædes
humanas Parca lethali ictu minacem chalybem, stringit fatale
ferrum, sed non adversus illorum vitam, quibus aurei Nepotes
successerunt. Morienti Parentum gloriæ, Patres sunt Filij; quo-
ties in illis renascitur hæres fama. Quod *Skrzetusciorum* cælum
Nominis inconvulso stet fixum cardine, non Mauritani Gigan-
tis brachio, sed Tuis debet viribus *Atlas Illustrissime*. Te uno
magnus ille sanguinis Aviti vivit spiritus, Tu unus anima es
Skrzetusciana immortalitatis, in Te velut in Gratiani pectore, o-
mnium respirat vita, ut Plinianæ illius assentationis hyperbole,
in genuinæ veritatis convertatur documentum: *Vitā Tuā omnes*
fruimur, nec animarum nostrarum, sed Tuus in nobis spirat vigor.
Vix enim incepisti vivere, iam vitam saluti dabis Domui; prima
G Dies

Nomen
Illu strissi
mi in Ba
ptismo
Chr:sto
phorus

31
Dies quæ Te hominem effudit orbi, æternitas fuit *Skrzetusciana* gloriæ; jisdemq; Tecum convoluta fascijs maxima Majorum cre-
scebat virtus, canusq; Avorum honor cunas ingrediens, superci-
lij & rugarum oblitus, illi Tecum præluxit immortalitati, quam
Tua pollicebatur indoles; spem eventum consequente. Porro tan-
tus statim in aurora fuisti, ut si tercentum sæculis adultæ Pla-
tonis dies Tuæ Nativitatis Phosphoro conferantur, umbræ erunt;
& velamina tenebrarum: ad Tuas cunas, velut ad immortalis glo-
riæ Majorum Tuorum standum est, theatrum. Attonita in Tuo
ortu quoddammodò natura, oblita est genituræ humanæ legum,
quando simul infantem, simul magnum (cui non æquarentur ma-
ximi) genuit *CHRISTOPHORVM*. O quàm pulchrum
est unico nomine, & orbem & folia tenere; se fascijs, populos
legibus catenare. Modò primum habere nomina, & Magnorum
titulis accenseri. Hoc Tibi Nomen emanavit è scaturigine fon-
tis lustrici: Sacramentò iam obligabaris ad magnitudinem, quā
nunc Magnus *Skrzetusciano* sanguine, Major Tuīs virtutibus,
Maximus Te ipso, exhibes *Antistes Reverendissime*. Alij per
gradus & intervalla annorum consummatam hominis implent
perfectionem, infantiam pueritia, pueritiam juvenus; juventutem
adolescencia, adolescentiam virilitas, virilitatem sensuum & pru-
dentia Academia senectus comitatur. Tu uno passu omne hoc
ætatis humanæ transcendisti stadium, statim *CHRISTOPHO-
RVS*, statim *Magnus*, statim Majorum Magnitudo. Nimirum
etiam de infantum lachrymis Illustrissimus honorum Titan emer-
git, quibus vel virtutis vel Illustrium Natalium aurora illuxerit.
Accipimus documentum. Luci mortalium Te intulisti magnæ
spei & votorum *Infans*, & iam Domum Tuam Solarijs implebas.
Ut videmus præfagij futurorum ortus, consecrantur honoribus,
Tiaris attolluntur, Illustrissimis deniq; eminent splendoribus. Con-
fudisti initia nascendi magnitudine, cōégistiq; nos dubitare, utrū,
qui simul & statim tam magnus fuisti, aliquando inceperis! Mi-
rata est se talem edidisse natura, & nisi edidisset, desperasset, ta-
lem edere se potuisse. Tunc demum aspexit manus suas natu-
ra, seq; ipsam & vires suas de Te interrogavit, fuitq; ei difficili-
mum; de tanto sibi opere respondere. Non humiles Tibi *Ma-
ximo Infanti* sternebat Lucina cunas, sed futurorum præscia, te-
nerum corpus in purpurea ponebat Episcopo. Vix Te morta-
lium exhibuisti aspectibus, viro similior visus quàm infanti, pro-
digio prior, quàm homini *CHRISTOPHORVS*. Scilicet augusta virtus nunquàm immatura est, triumphat in cunis
cum Hercule, cum reptante Stillicone spolia numerat. Vnde ja-
cet suam Affricanus Affricam, ostendet adjudicatum Torqvatus
torquem, Dentatus nomen à dentibus eruat, Cicinni, Cicinna-
tum

31
 tum coronent, Corvus Corvinum ornet, Fabius à Faba ducat o-
 riginem, Scipio scipioni debeat primordia; Tibi Maxima à Ma-
 gno *CHRISTOPHORI* debentur Nomine. Bonis avibûs
 educatus. *Ales* statim virtutem cum lacte bibisti, quasi Matre
 innocentia educatus. Cùmq; adhuc Maternum suxisse pectus,
 jam pietatem devoraveras; illa tantum puerorum gestabas leno-
 cinia, quæ pietatem sapiebant. Impleverunt sinum Tuam maxi-
 mæ dotes, priusquàm eas recipere posse, crederes. Tarda cor-
 poris incrementa superabas virtutibûs, id unice in voto habuisti,
 ut probitas. emereret. Diceremus juratum Tibi cum Harpocrate
 silentium, nisi prius virtutes, quàm verba exprimeres. Quantum
 est bonis nasci de Parentibus! Illi de Te sanctiora concipere
 vota poterant; Tu. exequi. Literarum ingressus aciem in ipso
 ætatis Tuæ flore omnibus præcipiebas herbam, sequi Te trium-
 phale erat, non assequi, gloriosum. Currebas *Magne CHRIS-
 TOPHORE* (ut olim Magnus coram Macedonia, parvus corā
 Te *ALEXANDER*) currebas ad bravium cum Senatorijs,
 Regijsq; collactaneorum conatibus; nullus tamen præter Te co-
 ronam reportavit, satis existimans stadio tecum interfuisse, cùm
 ad metam venire præ Tua alacritate non liceret. Prima studio-
 rum germina *Iagellonico* Sarmaticæ gloriæ consecrasti *Lycaeo* flo-
 rentissimam in Septentrione *Almam Matrem Academiam*, *In Aca-*
demia
Cracovi-
ensi stu-
duit.
Cracoviensem (quæ Sacræ Augustæ & Vaticanæ Sedi, & Sarmati-
 cæ ingentium trophæorum victorijs onustæ Genti, meras Mar-
 tis Bellonæq; lubentinas, ipsi hostibûs formidanda firma excel-
 sarum virtutum firmamenta & prodigia subministrat) adiisti; ac
 primis labris uberrimam scientiarum Hypocrenem non prægustasti,
 sed penitus absorpsisti! & non stadia solum accuratius inquisivi-
 sti, verum etiam intemperatos mores & lusus parium Tibi pue-
 rorum sanctitate quadam & verecundiâ, fortior olim impugnan-
 dæ impietatis Achilles arcuisti & temperasti. Alij etiam in scir-
 po experti nodum, necdum immersis profundo conatibûs, sic-
 ci Iasones promærium repetebant; Tibi omnem fulcare fluctum,
 nullam non lacescere charybdim, cuilibet occurrere scopulo, in-
 tra gloriam stetit, & profectum, Iamq; Te invasissent peccatæ To-
 gæ & egregijs dotibûs & sanguine Illustrissimo candidatum, ni-
 si adhuc vel teneritudo annorum, vel doctæ Palladis umbo de-
 fensaret: jam dignitarios fasces manibus infererent, nisi calamus
 scholasticus vel Parnassi verbenæ præpedirent. Nunquàm Au-
 gustiorem quamvis fabulis & antiqua superstitione senex Iupi-
 ter in cerebro suo Majestatem situavit Minervæ, quàm Tuus
 vertex; nunquàm vibrantiore Apollo coruscavit radio, quàm frons
 Tua prompto acumine; ubi quodlibet verbum, aureum excessit
 valorem, quælibet dictio, pretium ademit unionibus. Vnde non

31
invidemus jam fulmineos Græciæ Pericles & Dæmosthenes, post-
quàm illi ad excutiendum lingvæ vitium scabrosum prægustare
debuerunt lapillum; Tu non ex Erythreo mari, sed ex fontibus
Rhetoricis tractam gemmarum supellectilem, inexpollito verbo-
rum decore ostentasti. Quicunq; pueritiam & maturitatem ju-
dicij Tui considerabat, naturæ ordinem mutatum admirabatur;
quæ Te prius Virum, quàm Iuvenem, (ut diximus) declarabat.
Grandes honorum tituli tarditatem redarguebant, quòd nondum
ijsdem suppar evadebas. Sed erit tempus, quando pleniore lace-
to, longas adæquabis Togas; venient brevi illæ Calendæ, quas im-
butis scientia Gentilitijs calamis, implebis. Erit, quando A V-
G V S T V S II, primos in Te effundet favores, erit, quando in-
ter *Illustrissimos* resplendebis honores. Ibis Giganteo passu ab He-
liconijs cytharis, ad Cursum Philosophicum; à Gymnasticis præ-
ludijs, ad Theologicos actus; à Parnasso, ad Doctorem Exedram;
à proscenijs, ad Episcopale Theatrum. Neve tamen doctrinæ Tuæ
Intrat Religionem nostram. subtilitati quidpiam deesset, illam à *Minoritico Franciscanorum*
Instituto subtiliorem reddidisti. Paterna Domo extulisti pedem,
ubi Te omnes efferebant, miratiq; inter se natum, quem supra se
sciebant. Quæ calcabas domi limina, à Tua se magnitudine de-
primi gestiebant. tamen per hæc reptasti *Puer* Soleis Gentilitijs,
ad *Religionem Franciscanam* iter arripiendo. Primam ætatem, quã
alii sæculo, alij facili in præceptis juventæ, Tu pietati, Tu Supe-
ris consecrasti. In alijs adhuc à teneris educant fastum incuna-
bula, honoris ambitionem, pronaq; talium in omne probrum ado-
lescentia; Tu verò sic eminere solebas, quasi Te ipso Minor es-
ses; idèò *Minores* Tibi elegisti. Porrexit exporrectam manum
Seraphicus Pater, eripuit de laqueis sæculi sui Ordinis quondam
coronam. Triumphaturo Tibi de sæculi fastu fortior, quia ge-
mina *Manus* victoriæ palmam extendit. Immortale hoc etiam
in Te *Illustrissime*, qui ut servares innocentiam, licet primos, jam
totos adolescentiæ annos; in triumphum duxisti. Superavit Te
annis Annibal, non animò. Momentis computabas victoriam,
cæde hostium animæ, triumphum; qui innocentiam oppugnant.
Superavit Sagontium Annibal, Scipio Affricam, Minotaurum De-
dalus. Solus Tu orbem duxisti in triumphum. Pulchrum ac
immortale hoc

Mens circumflua luxu,
Noverat intactum vitio, servare rigorem. *Claudianus*
Parem Te putare poteras Macedoni, cum unâ manu orientem
Vitæ æternæ, alterâ excepisses temporalis, occidentem. Et quàm-
vis Te *Illustrissimi Parentes* (quia unicum Domus suæ folatium)
diu in deliberationem ducebant, Tibi ipsi festinationem imputa-
stis & meritò dum *Doctorem* Laureis. Infulis *Antistitem*, nega-
bant.

31
bant. Ad infima evolaſti, ſed ſemper ſplendidus. Deſiſti mun-
do vivere, ut toti Orbi viveres. Ad ima Te demiſti, ut in al-
tum virtutibûs eò magis proveharis. Et hæc ſunt Tua, virtutis
rudimenta *Illuſtriſſime Præſul*, quibus (ſi ſummos etiam ſupera-
re voluiſſes) nihil præter ætatem addere opus fuerat: ubi ter-
tium vel ſecundum ſuper decimum (planè fortunatum) attigſti
annum, DEO Te mancipaſti in *Seraphici Patris noſtri* familia,
Seraphicis donatus titulîs, *ADRIANVS* didiciſti pulchrius
novus igneſcere *Tuorum Parentum* Phœnix, cùm fueris *Ales A-*
ram Tibi elegiſti, Nidum, *ADRIANVS Aranidus*. Intuli-
ſti Ordini noſtro vitæ ſanctitatem, integritatem in exiguo cor-
pore animi, credebantq; univerſi unicum Te, vel æternitatis Fi-
lium, qui tantis virtutibûs emicabas. Pauperis *FRANCISCI*
amplexus veſtitum, Ejusdem in cinere quærebas veſtigia. Per
calcatum incedens orbem, cucuriſti ad bravium ſalutis. Ergo
antiquas Archimedis in cinere antiquitas non iactet figuras, nam
ubi Archimedes cineri digittum, totum Te ei conſecraſti. Ex-
inaniſti Temetiſum, dum ſola reliquiſti inania: *Franciſcanô* il-
laqueatus funiculô, metiri non terras, ſed Te Ipſum incepſti. Gi-
gantibus indixiſti aciem, ab inſolito cingendi modo, ſacer inter
Minores Fundibularius. Ac tandem finitô Tuæ expectationis
non probationis (cùm fueris probitatis Alumnus) annô, unani-
mi omnium votô, votis obſtriſtus es; dum totum Te DEO vo-
viſſes, totum etiam in ſpecimen devoviſti. Suſpexit in Te Neo-
profeſſo, Theologorum hujûs Conventûs Collegium, Gratiam;
Ethicorum, mores; ipſam transcendentem naturam, admirati Phy-
ſici; verbô dicamus, viva virtutum in Te ſimulacra, non tam
Apelles, quàm Religioſitas depinxit. Verè in Te celerem intra
tam modicum temporis ſpatium, ſpectatæ virtutis curſum, ſpar-
ſa gemmarum compositionis monilia, & pretioſos modeſtiæ vnio-
nes, legebant Superiores. Ne hõc tamen ſolùm exemplô tam
rarô, tamq; efficaci cæteris præviſſes, comitem vocaſti Tibi ſapien-
tiam: probè gnarus, quàm ad rectè gerendum, vel potius rectè
vivendum, plurimùm ſtudiorum conferat neceſſitas: quæ tum
demùm veræ virtutis ingenerant hominî deſiderium, cùm mul-
tùm abſunt à vanitatis otio. His primùm annorum in Religio-
ne cunabula, & ætatem illam, quæ ſua teneritudine in otium la-
bitur, quaſi rectiori obruſſa fulcienciam muniendamq; ſtatim cen-
ſuiſti: ut ſcilicet priuſquàm illum optimum colorem à virtutis
purpura laudabiliter aſſumeres (pulchrior enim hæc comptior,
& per doctrinam fortior) bonô literarum ſuccô ab optimis Præ-
ceptoribus mentem & Nobile pectus imbueres. Aliter enim quis
crederet ſine literis & ſcientiarum auctoramento, cætera quoq;
illa bona, quæ ab hominibus magni æſtimantur poſſe conſequi?
H quæ

In Reli-
gione No-
men
Adriano.

Professor
Illustris-
simi in
Religione
A R. P. M.
Valeria-
nus Kar-
wacki.

In Itali-
am pro-
fectus.

quæ cum adventitia sint, & externa corporis ornamenta; illæ
solum in animo generoso summum & æterni illius æterna bona.
Quasi verò suapte naturâ potens Achilles clypeo Argivò & non
ab istis haberetur? Hæc est humanis actionibus meta proposi-
ta, in cuius summitate surgit magnæ solidæq; laudis magnum ac
perpetuum decus. Ergo præmonebat animus, ut ab ijs omninò
perdisceres, quæ mox non percipere tantum, sed agere deberes:
& illis etiam Tua submissione haberetur honos, à quibus verus
honor in omnes. Velut studiosa apes in doctioribus libris flores
indagasti, è quibus mella sapientiæ legeres illustribus ceris infun-
denda. In literaria arena sepelisti omnem ignaviam, & ne sua
pompa funeri deesset, millenas faces accendisti, ad quas mille-
nas frangebās noctes. Iuvit docentium industriam discentis in-
genium, facile fuit inclinantem de bono naturam regere, quæ
semina institutionis promptè in imum animi fundum exciperet,
in tantumq; posthac excreverent, ac si repetito Persarum more,
erudiendum suscepissent quatuor lectissimi, *Sapientissimus, Iustissi-
mus, Temperantissimus, Fortissimus*. In tam sublime profectus fa-
tigium non alio præduce, quàm *Admodum Reverendo Patre Ma-
gistro VALERIANO Karwacki*, protunc Regente Tuo evolasti:
sub quo statim in primo studij Tui occurso, immortale scientia-
rum demonstrabas argumentum. Concludamus omnes, quàm
facile illi de aliquo disputare erat, tam facile Tibi intelligere. Pri-
ma sub hoc posuisti rudimenta eruditionis, neq; enim erudiri po-
tuisti, nisi à magnæ æstimationis *VALERIANO*. Amicam
Tibi credebant omnes fuisse ejus sapientiam, qui Te unicum in-
ter alios semper ad suum admittebant latus. Nemo illius amo-
ri Te vicinior videbatur, quod pretiosum habuit, hoc est suæ do-
ctrinæ volumen; Tibi aperuit. Profecisti multum *VALERIA-
NO Professore Illustrissime*, nec inidebas Achilli, quod sub Chi-
rone Leonum medullis aleretur: ipsa etiam viscera affectus *Re-
gentis Tui VALERIANI* amantissimus depastus es *Discipu-
lus*. Nec solum tamen venerabunda *Alma Provincia Polona* su-
spexit elevatæ mentis Tuæ fastigium, in tenera ætate, etiam ex-
teræ nationes stupuerunt. hoc est exterarum quoq; *Academia-
rum Religionis nostræ* Oceanos, non quantum ebiberes, sed quan-
tum ingenio moribusq; sufficeret; adiisti: sancitum ut in alijs
ignibus cum suo *Accipitre Polonia* arderet, & in *Minore Maxi-
mum* adorarent nationes. Cum applausu prævolantem suscepit
Italia, non tam *Polonum*, quàm *Seraphinum* è Polo. Sed ad quid
adiisti? parum id erat, nisi quoq; ad gustum & satietatem non
primis duntaxat labris, sed plena orexi avidè abstrusiora Docto-
rum ingenia deprompsisses; scilicet illi qui gemmas vel aurum
quærunt, non summam terræ cutem vel arenam tantum leviter
restrin-

31
restringunt ac evellunt, sed in viscera etiam penetrant, pectus
imum deiiciunt, & sui totò demergunt verticem: sic Tu aurum
& gemmas scientiarum quæsiturus, non unò solùm impendiò,
non levi laboris sentamine accessisti, sed multarum noctium vi-
giliâ cum Cleanthe, magna ætatis parte cum Socrate, nec cum
uno Chyrone Achillico, sed cum tot Magistris, quot *Italia, Bo-
hemia* præcipuos apud se haberent, longioris temporis cursu sæ-
pè profluenti in lucubrando sudore promptus animò invenisti,
collegisti. Onerasset putamus tantæ operæ negotium alios, qui
simul ut sapere incipiunt, nauseante animo ad literas, in præsum-
ptionem acti levissimam, sapere nolunt. Alius hic avidam tan-
tùm falleret aut restringeret ingenij sitim. Tu in eo honestis-
simarum artium studio, tanquàm in stadio eò admirabilior curre-
bas, quò meliorem animam nactus, non prius Tibi desistendum
putabas, quàm onustâ pulcherrimarum artium Argò, non vano
vellere dives ab illa Colcho, in nativæ Provinciæ & Inclytæ Do-
mûs pretium lason remeasses. Sciebas hæc ornamenta tanta
in Prætecta juvenili, uberem segetem gloriæ Religioni allatura,
& ad sublime bonum immensum calcar roburq; futura; quibus
ne suus deesset valor, illud decus Divorum, rarò cum literis so-
ciatam modestiam cum pietate junxisti. Adflavit animum non
à voluptate succensus, sed à natura pudor inditus, candore ni-
veo innocentia, qui Te in eo passu, non prius animi securum
sinebat, quàm sarcinas illas, & lacunas grandes ituris ad virtu-
tem obices, fastum ingenij, lusum & luxum adolescentiæ, abs
Te abegisses; tam forti quidem & circumspectò animò, quàm sic
nusquàm Ittacus ille Vlysses Cyrcea illectamenta. Hic primùm
exteri viderunt Soles, quàm dignos non ad fulmina duntaxat
portanda, sed etiam ad lauros gestandas nutrit *Aquila Polona
Pullos*, monstratum in Te exoticis censuris, quòd parùm habeant
Sarmatica pectora ipso Gradivi ferventiùs ardere æstu, nisi & do-
ctoris Phæbi caleant incentivò. Eiecta malevolò livori testuca,
quâ Lechicæ splendoribus offensus gloriæ, obliquum identidem
compungebat oculum, quando singulorum in Te pupillas, omni-
um ora convertisti: illud in Te legentia *Et fervò, Et aureis tri-
umphare ingenijs, Polonum est*. Quidquid in Tullio torrentis facundiæ,
in Plinio conditæ ad gustû dulcedinis, in Cynea molliter instillatæ gra-
tiæ, in Isocrate fulminis, & tonitru, veneratur divisim antiquitas; totû
in Te collectum Italicæ Musæ adorârunt. Mirabantur exteri sub
rigida natum Parhasside dicendi fervore omnium accendisse ani-
mos, ad ea quæcunq; disertò svadebas eloquiò. Quibus dum
monumenta Tuæ relinquis memoriæ virtutem & doctrinam, Do-
ctoralis Laureæ Candidatus ad septem Quirini commigrâsti col-
les, Augustissima Religionis Orthodoxæ promontoria. Tum ve-
rò hîc

Romam
venit.

*Doctorali
laureâ
decoratur*

*Reverti-
tur in
Provin-
ciam.*

31
rò hîc enituit qualis, cum quanto Gentis caractere, quâ dignus laureâ adveneras *Præsul Illustrissime*, postquam in speculo illo totius orbis comptos jam & sine calamitro egregios mores, pulchritudine probitatis, atq; literarum cultu decorâsti. Fulminabas eloquiô, melius non tonabat fulgur energiæ Demosthenes. Ligatæ svadæ incôexercito rapiebaris torrente, Mantuano Papi- nioq; pessus ad lingvam, & rosa eras. Aristotelico immerfus Eurippo, nodos omnes quos Stoa aut Peripatus intricavit argiva, subtilius quàm incisore Macedonis acinace præscidisti, rescuisti, divisisti, *Scotista*. Mater fidei nostræ *Roma*, & ingeniorum propago, quidquid in scientijs exquisitum, in moribus honestum, in raritatibus arcanum, in virtute Divinum habuit, non tam Tibi instillavit, sicut plenô in præstantissimas Tuas dotes infudit Tyberi. Et ne absq; apparatu triumphi, in spinis Logicæ, in asperitatibus Theologiæ, in arduis scientiarum salebris occurrentium difficultatum, aliquot annorum debellator venisses in Patriam, & ut assiduus in studia fervor, lautis vigilatarum noctium curis exacuatus, insciam mortis immortalitatem saperet, tantarum virtutum Tuarum & scientiæ spectans principia, sancivit; ut ibi immortalis coronatus esses Laurô Doctorali. O sapientia! Græcis vix decennium ad expugnandam Troiam suffecit, Tu verò brevissimo tempore de Romana sapientia triumphâsti. Coronate ergo Triregna Romanorum, laureandam sapientiam! Tandem par omnium votô in Doctorale fastigium evectus es, ipsa ad triumphos Tuos egrediebatur laurus, dum quòd hanc alij, Te laurus prætendebat. Proinde tali jam ab exteris fultus munimine, hîs à literis ornatus adoreis, quid de Te expectanti Provinciæ? quid Domui Illustrissimæ? quid Consanguineis, Affinibusq;, quid Professorum Condiscipulorumq; voto, Fratrum desiderijs? quid Conventui nativo apprecanti? omnibus palam augurantibus solatij, decoris, subsidij, autoritatis, non addidisses? certè si è pollice licuit olim Gigantem Apelli indicâsse, hæc Te quantum ostenderent tam pulchra, tam ad omnes ingentia! iam tunc tidus quoddam terrestre habebaris, ad quod omnium oculi aspicerent, omnium ora loquerentur, manus contenderent, aspirarent animi, & Tu largissimè omnibus sufficeres. Multi enim à septennis Nili ostijs Crocodyli revertuntur, ex Affricâ redeunt, Europam portant per orbem, non Ioves tamen, sed boves cum illa domû repetunt. Tu ab extero climate, quandam scientiæ Encyclopædiam reportâsti. Reversus es Vir omnium literarum, *Doctor*; cui cerebrô Pallas, corde Religio, manibûs labor prodière. Inclauit per Te Aristoteles, ore Tuo loquebatur *Scotus*, summus & Philosophus & Theologus, eò subtilior, quia in perquirendis virtutibus sagacior, Tuis tamen in oculis grande nihil. Pietate & scien-

scientiâ concinnatus, utra in Te major fuerit, virtus an sapien-
 tia? nobis insolutum dubium remanet. Platoni quondam Syra-
 cusas venienti, (si credimus Laertio) Dionisius Tyrannus na-
 vem laureatam obviam misit, jam è navi acceptum, ipse quadri-
 gâ vexit, summam Viri sapientiam, hoc æstimans cultu. Zeno-
 ni quoq; ob ejus probitatem morum, ab Atheniensibus ea fuit
 reverentia, ut apud eum claves Urbis deponerent. Tanti juvat
 probè rectèq; institutum esse, bono communi, quòd paratas ubiq;
 lauros, junctas in triumphum quadrigas, claves Urbium recipiat,
 ipsos demum Reges, in sui famulatum ivisse gloriatur. Aperuit
 Tibi tediosæ expectationis morâ cor saucium Gentilitia *Ales*, ut te
 salutasset reducem, cum *Avita Solea* ivit obviam. *Zukowscio-*
rum Materna itidem *Solea*, ut non ivisset sed volasset ad Te ex-
 cipiendum alas *Gentilitiæ Avûs Patrio* addidit *Ferramento*. *Si-*
gnatoria in Illustrissimus armus Virgo, videndi Tui avida supra *Ga-*
vronsciani stemmatis conscendit *Caput*. Binis *Byliniorum Gla-*
*dij*s pugnabant inter se de Tuo regressu vota. *Illustrissimæ Colle-*
gij nostri Syszkowiani Cynthiæ, in perfecta plenilunij auge consisten-
 tes, & noctis Tibi spargebant lucem, ad suæ disciplinæ onera
 suscipienda, brevi venturo. Iam ergo cum summa exceptus læti-
 tia, primò *Neocorcinensis* conscendisti *Professor Cathedram Gy-*
mnasij, iamq; Tibi licebat disputare cum Socrate, dubitare cum
 Carneade, hominis naturam cum Stoicis vincere, cum Cynicis ex-
 cedere, cum ipso de primatu contendere Stagirita. Diceremus
 sanè in responsis ibi erectos secundos Delphos, nisi puderet ve-
 ritatem cum tanto viro conferre. Tantum ibi per Triennium
 Tui incolatûs accrementum fecisti, quantum non fecisset Plato
 Numen Græciæ, si tercentum annorum spatiò, totidem altera
 sæcula, canus elementarius adjecisset. Atq; ut prona, & nescia
 stagnare flumina, cursum suum non sistunt, sed declivi feruntur
 Thetyde, donec advectum æquori infundant alveum; sic neq;
 Tua indoles pressò stetit immota vestigiò, sed eluquatura al-
 tius, *Petricoviensis Conventûs* nostri ascendit colles. Indè ad *Lu-*
blinensis Polonorum Areopagi, Professor Franciscanus stetit limi-
 na, ubi ab omnibus *Sapientissimus* judicabaris. Sed non potuit
 adhuc unius vel alterius *Gymnasij* adeò spatiofo ambitu inge-
 nij Tui contineri amplitudo; Tantus jam eras, ut cum Macedo-
 ne alium Tibi & alium locum, (ut ille alium & alium Orbem,)
 decreveris inquirendum. Movisti invidiam *Conventibus*, litem
 de Te conscivisti *Gymnasij*s, ut vehementiore animorum deside-
 rareris voto, quàm ille, quem Chij suum vendicant, Salamini
 repetunt. Certabatur à *Conventibus* de Tua præsentia, ultro Ti-
 bi repandas singuli aperiabant portas, fastusq; liminum erat à Tua
Solea conculcari. Palma tamen penes *Cracoviense Gymnasium*

Consan-
guines de
ejus re-
disu la-
tantur.

Neocorci-
ni, Petri-
covia, Lu-
blinij Pbi-
losophici
studij Re-
gens.

Cracovia
Theologi-
ci studij
Regens.

Illustri-
simus
Martini
Szysko-
wski Epi-
scopus Cra-
coviensis
Funda-
tor stu-
dij Craco-
viensis.
Colliga-
tic Illu-
strissimi
A. R. P.
M. Va-
lerianus
Szembek

Defini-
tor Pro-
vincia.

Mini-
ster Pro-
vincia-
lis.

Iterum-
pro uno
Anno cō-
firmatus
Commis-
sarius ad
alias Pro-
vincias.

relieta, eō vernavit gloriosius, quō florentiore Doctrinæ Tux ad-
umbrata Nōmine. *Skrzetuscij* Nomen, ut *Cracoviensis* audivit
Conventus totō in lætitiā effusus *Vistulā*, illius olim *Professoris*
Tui *VALERIANI* gratam in Te coluit recordationem. *Con-*
ventus hic pietatis ac ingeniorum splendore clarissimus, traxit
Te *Soleatam Alitem*, ubi post ornatūs sui intuitum, solem ju-
stitiæ Theologicā contemplatus pupillā, docuisses: non auroram,
sed Hesperum Musis esse amicum. Ut arcana sacrationis Theo-
logiæ, solvisses dogmata, ad *Gladium* recurris *Fundatoris Studij*
Theologici; ut gemmam hanc, quam profundō specula-
tionis, alrō abdidit mysteriosa arduitas, invenisses, venis
ad unionem cum tam numeroso hīc *Professorum* cætū; ut post
Minervæ Philosophicæ arenam, stabiliōri scientiarum innitaris
fundamento, & eō plura legeres, in percalcandis difficultatum
spinis, voluminum folia, jungis Te *Szembeciana Rosa*. Magnus
non Nominis tantū elevatione, sed ingenij sublimitate Theo-
logiæ Professor. Nullum per *Academiā Lectorium*, nullum
per *Conventus Religiosorum Lyceum*, nulla per urbem *Exedra*,
quam Tuus non lustravisset *Illustrissima Alitis* oculus, animō sin-
gula ad gloriæ Religionis & æmulationis proventum traducen-
te. Instar argumentosæ Apis, quæ florum circumvolans calyces
aliquid delibat ex omnibus uni mellificio idoneum. Hinc po-
stea Tuo etiam tota se determinavit Provincia ingenio, quem *Ve-*
nerandi Diffinitorij constituit *Consiliarium*; verē *Consiliarius* respō-
sis obscuravisti Delphicum Tripodem, ut veritas, fabulas. Nun-
quā non benē cessit, quod ex Consilio Capitis Tui processit;
qui rebus ferē omnibus semper omnium consuluisti. Tandem
postquā sic optimē merueris, unā omnium voce *Minister*
Provincialis Commissarius Generalis Alma hujus Provincie ele-
ctus es, cui etiam Ipse *Reverendissimus Generalis*, libentissimē hoc
Regimen apposuit, approbavit; ut digna rectē factorum in animis
suis perennaret memoria. Et justum: universa etiam virtutum
supellex in juniore Sardanapalo perennatura videtur, hoc totum
in Te provisum erat *Provinciali*. Minimē tamen unquā Tibi
illos subministrabas honores, sat erat quōd *Minister* vocabaris,
virtutum. Huic fastigio quantam vigilantiam, omnium virtu-
tum comitatum intuleris! indē patet, quōd cū tempus præfi-
xum Tui advenisset Regiminis, omnium votis & desiderijs ite-
rum ad aliquod temporis intervallum, *Minister Provincialis*
confirmatus es. Imō Religiosā quādam ductæ exterorum Pro-
vinciæ invidiā suum Te expostulabant *Commissarium*, ubi sola bi-
lance, omnibūs virtutibūs gessisti omnia; adeō jura ac leges pro-
pugnāsti Religiosæ observantiæ; ut ubiq; institutiones Tux Sa-
crum institutum, digesta præclara gesta, viderentur. *Vrbānarum*
Con-

Constitutionum columen, *legum Religionis* culmen, fuistis dignus aliquando qui sedes super sedes ludicantium duodecim Tribus *Israhel*. Sciebas enim nullam virtutem habere Principem, nisi omnes habeat. Tantus in hac videbaris dignitate, ut si vel ipse *Seraphicus Pater*, daret dignitatis suffragia, non alium optare & eligere vellet, præterquàm *ADRIANVM*. Nec Major etiam huic Augusto Religioso honori potuit contingere felicitas, quàm in Te eminere. Vndè æternitatis negotium esset singula virtutum Tuarum decora, posteritati; calamô deducere. Hoc sufficiat, quòd cum fueris omnium *Pater*, omnium factus es omnia; omnium in Te traxisti amorem, inde charus summis, æquè ac imis, quando Nomen & Omen Officij adimplèsti; regendo, munere, exemplô, benefaciis. Placuit etiam *Almæ* huic *Provinciae*, ut & singulis præesses, ideò particularis communitatis bis *Cra-*
covia, semel *Opolij* electus es *Gvardianus*. Auxisti hæc decora *Illustrissime*, non dignitate tantùm & honore, verùm etiam animi
modestiam, quâ supra omnes eminebas. Nemo certè Te Major fuerat, quando Te ad aliorum obsequia demittebas; scilicet magna virtus cum se in sublime extulerit, & dignitate magnitudinis suæ ducit inferiorum obsequio non deesse. Morbô solabaris afflictos, putabas nimirum nunquàm Tuam pluris valere magnitudinem, quàm cum eam malè valentibus submisisses. Maximè hîc contagiosa lue tabescentibus; quos vel ipsa horrebat natura, impendebas operâ, curam, & sollicitudinem; probastiq; magnam virtutem ubiq; securam esse, nec illis posse nocere facta, qui virtute tutantur. Summa in Te ostendebas Superior omnia; summam prudentiam in gubernando, summam æquitatem in iudicando, summam sapientiam in disponendo, summam industriâ in exeqvendo, summam constantiam in consumando, summam humilitatem in ministrando. In *Oppolienfis & Bythomiensis Con-*
ventus negotio, dum ad *Inviçissimum Imperatorem CAROLVM* fungebarris legatione, optimè eis evenit, quia Tuo consilio nitebantur felici rerum eventu, quia Magni ingenij *Consiliarium* adsciverunt. Fregisti coram *Inviçissimo Imperatore* omnem diffi-
cultatum glaciem; Gordiô ingenij nodô perplexiores negotiorû ambages dissolvisti. Semel *Legatus*, semper *Angelus*, ultra humana ibi gessisti omnia, humani erroris nihil. Polum *Arcticum* iungere *Antarctico* paradoxum; junxisti tamen *Illustrissime Astro*
Poloniam, dum in *Austria* liminibus, *Conventus*, *Poloniae* fæderasti *Provinciae*. Felix legatio! ubi pro verbis sunt oracula, pro factis propè miracula. Diu cunctando venit tandem clavus ad *Cæsarem*. Si enim solem facimus honorem, quem virtus aurora præcedit; vel si solem dicimus virtutem, cujus umbra est honor; mereri illum non habere sudoris unionibûs, non sanguinis *Avi-*

Gvardi-
anus Cra-
covia &
Opolij.

Legatus
ad Invi-
çissimum
Imperato-
rem.

ti coralijs parare voluisti. Puerorum est Patritio lacte album ad
 honores suffragium quærere, Magnis animis non per ceras dul-
 cedo patet gloriæ, sed per saxa & filices, eòq; svavius sapiunt
 dignitates, quò acerbius sudoris sale condiuntur. Minor omninò
 est, cui solùm Majores suffragantur ad magna. Imagines Parrù
 fumosæ mordent, non alliciunt honoris pupillam. Ferruginem
 contrahunt secures dignitariae, si ex Illustri sanguine ad lucem pu-
 blicam extrahantur. Averum rugas non amat honor, quas in
 illis per vetustas Familiarum lineas origo descripsit Patritia. Ci-
 tius gloriosis fastis quàm Fascijs exhibentur. Tibi cùm Genius
 fit ultra stantes in curribus Æmilianos sublimius, pro gradu ta-
 men *Ascensus* Tui virtutum cumulum elegisti; ut ad augem per-
 venires honorum, non fortunâ sed virtute comite. Parem Te
 tamen Majorum Tuorum honori addimus *Præsul Illustrissime*, ut
 qui magnis non degener meritis, Patritiarum Auitarumq; æmu-
 lator laudum Tuaptè natura extiteris, essetq; genuinum Protho-
 tipon & simulacrum Tuorum. Primùm Tibi in Ecclesia mili-
 tanti pulcherrima illa Astræa disciplinarum in nativa Provincia, &
 alibi, cum idonea ingenij libertate, morum elegantia, Iudicii
 acumine, linguæ exoticæ facundia, ad non modicos *Serenissimi*
Regis A V G V S T I I I I. favores assequendos viam aperuit. Nam
 præter hæc, quòd in *nostra Religione, Doctores Cathedra, Pro-*
vincia & Conventuum Rectorem cooptassent, *Serenissimi* etiam
Regis (ut diximus) singularis in Te accessit propentio, qui Te
 eâ virtutum excellentiâ præditum, ad *Bacchoviensem* vocavit
 Tiaram. *Nativitatis Beatissimæ & Tutellaris Tui Divi ADRIANI*
 dies, aliam Tibi tulit per communicationem literarum quarumdam,
 Nomenclaturam; *Nominatus*. Sed quia plus Indoli Tuæ ingenuæ
 quàm suffragio honoris, & favori Magnatum credebas, recusa-
 bas digna labori præmia, nunquàm Tibi alio fænore deneganda.
 Quinimò quia quodam agmine derepentè inferebantur, compen-
 diò ad hæc ire noluisti; parùm ducens generosæ menti in arcta &
 & non trita Majorum Tuorum vestigijs arena *Soleam* latis asve-
 tam itineribus, *Illustrissimos Infulati honoris Ascendere splendores.*
 Fundebas lacrymas, amore Tuæ ductus vocationis Religiosæ,
 dum nuntiam favoris Regij recepisti literam. Nos has pro gē-
 mis habemus Tuæ inferendis Tiaræ, quas pridem fluentis sudo-
 ris Tui intra literariam & virtutum arenam, deducebas. Flerè
 tamen debebas *Illustrissime*, ut discant alij (præsertim immeriti)
 non adedò hilari animo appetere honores; humectari debebas,
 ut non mergantur alij in aviditate dignitatis. Flere debebas,
 quia & noster nunquàm risisset *Scotismus*, nisi risum illi, idedò
 quia *Docteur Scotisticus* ad *Infulam* assumptus es, comparâsses. Mi-
 ramur tamen novum & rarum ad fastigium iter, quò pauci ivère,
 multi

Factus
 Nominatus
 tus Bac-
 chovien-
 sis.

Recusat
 Episcopa.
 in M.

multi in eo fastidioso laborum pulvere abstinuere; novum dicimus; quia Tuum proprium, qui non proprio ambitu renuntiari, sed aliena necessitate, ut Religionis inservires utilitati, commoda Provinciæ prospiceres, censeris voluisti. Illud tamen forte est & adimpleri debet, cujusdam Itali de Te adhuc operam studijs dante oraculum, quod lingvâ ignotâ effatum, notum se hodie facit. vidit ille Te & dixit: *Dignificandum Præsuleâ Tiara*: antequam Præsul fuisses. Ponite iam stylum Oratores, filete Vates, nihil hic ausit Cyrrha vel Latium, cui longè illustriorem Umbria laudatorem, *Franciscanum* dedit. Plinius Trajanum, Constantinum Nazarius, Pacatus Theodosium, Theodoricum laudavit Ennodius, postquam omnes laudibus suis antiquiores essent: quod præstabilius est, adhuc Tibi *luven Religioso Illustrissime*, Panegyrim dixit *Franciscanus*; dixit in *Ecclesia militanti Episcopum fore*. Tamen adhuc renuisti *Illustrissime*. Verùm *Ascende* iam *Bacchoviensem Cathedram*, ad quam Tua Te pietas deducit; neq; enim aliter, quàm lacteâ virtutum viâ *Ascensum* tetigisti. Si testimonium probatissimæ requiritur Vitæ Tuæ; licet in ore duorum stet hoc vel trium, unus *Asciatus* stetit pro Tuo Nomine *Illustrissimus, Excellentissimus ac Reverendissimus Dominus BARTHOLOMÆVS in Cekarzewice TARLO, Episcopus Poseniensis*, & sufficit. Si & aliunde petitur, dabit Religio: in quo, si vitam, si virtutes spectare est: Divinæ sunt. Hinc aut DEVS (cujus beneplacitô hæc Tibi offerebantur) aut DEI *Vicarius* esse debuit, qui Te ad hanc Tiaram cogeret; & sic est: *Sanctissimus Papa CLEMENS XI.* approbavit Te *Episcopum*. Iam ergo ex Theatro sapientiæ ad *Præsuleam Cathedram* tecum Doctore Ordinis nostri desceat oratio. Cælum dixisse deberemus *Ordinem nostrum*, vel magnificum honoris Palatium, ubi tot foles, quot Magnorum simulacra Virorum cum Phœnicensibus adoramus. Dicamus de *Ordine nostro* (quod verum est & non vanæ gloriæ) ivêre plurimi per summa Orbis decora: alijs tanquàm summis Ecclesiæ capitibus famulantur imperia, alij Cardinalitijs rubent Purpuris, alij sanctioribus Præsulum Tiaris eminent, alios Doctorum præmia frontium, decorant adorea. Auxisti hunc decorem & Tu *Illustrissime*, dum *Doctorem Togâ Præsuleâ* mutas *Purpurâ*, & quia iam invenerat talem eminentia virtutum, declaravit Te tantum *Sanctissimus Papa, Episcopum*; non fecit, aut creavit. Vidimus Te in summo sapientiæ fastigio, & adhuc *Summus Pontifex* ad *Præsuleam Te fastigia Ascendere* decrevit. Maximum istud est à *Summo Christi Vicario* inter *Antistites* recenferi. Quanguàm non efferri debuisti, idem enim ad Te summis ornatum virtutum splendoribus, quod & ad *Illustrissimos honores* iter est. Et quem adhuc à teneris pinxerat verecundia,

*Quidam
italus Jl.
lustrissi-
mum di-
xit futu-
rum Epi-
scopum.*

*A San-
ctissimo
Papa
CLEMEN-
TE XI.
confirma-
tus.*

Sex Pa-
tres Pro-
vincia ex
quibus Il-
lustrissi-
mus ad
Episcopa-
tum as-
sumptus,
de quibus
supra.

creari *Episcopus* non debuisti; sed declarari. Inuenit Te hæc dignitas parem Regibus, Majorem Principibus, virtute verò nemini æqualem. Cujus pretium, ita Cresi, Luculiq; superat opes, Midæ aurum, gemmas Cleopatrar, ut meritò in annulo Præfuleo ponaris. *Ascendisti* siue involasti in sæculorum encomia ex Sex *Seraphinis* Vnus, quibus ne Te innata animi modestia subduceret, *Alas* posteritati meritorum reliquisti. Sex alijs eguisti, ut tantos virtutis Tuæ efferre ad *Illustrissimos* *Ifulati* honoris posses splendores. *Ascende* felix & Ovile hoc de animabus juvandis posside, felix Tibi Tua virtutum vestigia, & nostra desideria parant iter. *Ascende* ut talem indè referas gloriam Religioni, qualem primæva ætate Ordinis nostri meruerunt in India *Franciscani*, teste G O D E F R I D O (f) (*Franciscani venientes in novum Orbem primi duodecim, singuli Centena Indorum millia baptizârunt*) cùm sit Tibi singulari voto, etiam vitam in cineres redigere, (de quibus *Ascendis*,) ut æternus splendor Nominis Religionis nostræ appareat. Caterum tam altum Tuis adfixos laboribus, admirantesq; copiosum virtutum splendorem, in Te amplissimis lucentem radijs, alio vocat numerosa meritorum Tuorum gloria; quasi hactenus non sufficiat, ea in medium nostra pietate adduxisse, quæ omnibus singularia sunt & admiranda, nisi quodquæ ultra mentem elevemus nostram, iamq; ipsum Tiaræ fulgidum respiciamus verticem. Adeò sumus avidi & lubentes sacræ Tuæ inter nos Tiaratæ præsentia, quâ plaudenti omnium incedis gaudiò: ut non magis mentibus, quàm æquè obtutibus supra nos & infra Te inferamur; & quanquàm plurima præclare factorum Tuorum insignia consultò à nobis præfari expediat, nihilominus quòd verecundiæ Tuæ sit ut velis illa præteriri, consentaneum putamus, Te non in alio quàm in Te ipso ad stuporem facundiæ nostræ legere. Etenim quid in Te non amplius videre quòd verè sit Tuum non vocis nostræ, possimus! quid non cultu nostro, ex animo complecti sacrum & venerabile propteremus? cur non sit æquum Te talem nostris usurpare luminibus, qualem ubiq; audire licuit à Orlis in *Bacchoviensis Cathedralæ Tropico* vera virtutis Tuæ laude, velut inter sidera Phœbus resplendens, idest succedis *Herculi Bieganseio*, *Atlas CHRISTOPHORVS*, quantò omnium *Franciscanorum* bonò! quantà *Provincia* hujus gloriâ! *Doctorum* ejusdem lætitiâ! *Patrum Conventus Cracoviensis* gaudiò! quantò nostra *Musæ* commodò! Emicat in Te calor ille vividus, *Avorum* Zelò fidei ardens, ad quem frigida multorum in Divorum cultum, sacraq; turanda, Catholica incalescant pietate. Splendet ille benevolus pectoris candor, quò sæpenumerò invidorum deliniti vultus, in obsequi-

um

(f) JOANNES LUDOVICUS GODEFRIDUS lib. 1. fol. 128.)

um honestatis prodire. Fulget virtutum fecundissima congeries, quia in exemplar efficax largissimò impendiò operam suffecturus, id etiamnùm persuadere possis, ut omnes unius moribus, Tuïs (inter nos commoraturi) verè probis, & sanctis, vivamus. Deniq; cùm ille nobis auspico scandis *Ascensu*, Qui & bonitatem Trajani, & Antonini pietatem, & Augusti gravitatem in vultu Tuo *Pontificali* præferas, iam omninò hîsce ad nos emolumentis illud confectus es, quod alij impensè student; ut æquè *Provincia* nostra suo *Tutori* ac *Scotistica Cracoviensis Pallas* cum suis *Professoribus Conservatori* gratiam impendamus. Imperatoribus certè ad novi honoris augurium, prodiga sumptuum *Roma*, ad pompam usq; & luxum, victimas cædebat innumeras; quod & illi *Herostrato* Romanæ libertatis, *Caligulæ*, factitatum fuisse; meminit *Svetonius*. Alijs ingentes *Colossi*, triumphales *Arcus*, & alia monumenta victuræ gloriæ supra miraculum posita; Tibi faustò *Ascendenti* ad *Illustrissimos Infulati honoris splendores*, non hoc cum illis commune: nec talem superbiam vanæ & sangvinolentæ affectas victimæ *Antistes Pijssime*. Non Te statuïs & colossis, non arcubus triumphalibus: sed nostris affectibus, *Manibus Cancellatis*, calamis scholasticis, in hoc extollimus subfelli-um. Non mutas victimas, certò numerò collectas, ad onus publicæ communitatis: sed nos ipsos infinita votorum multitudine submittimus. Hanc talem submissionem, quam rudiori stylo, tam Dignissimo Præsuli imus consecratum, iusta exprimunt in omnibus vota. Subliste modò *Præsul Reverendissime*, & Tuam nobis humanissimam explica dexteram, conijce splendentia lumina, & vide quanti & quales huc necessitate sua quisq; accedimus. Obviat Tibi *Sponsa Tua Ecclesia* encenianti: illa *Sponsa*, quam olim *Leo* suis viribus formavit; illa *Sponsa*, quæ inter Paganorum imperus protecta *Prawdżiciõrum manijs*, ornata eorum annulis: nunc demùm contra impiorum insultus Tuâ tutanda *Soleâ*, munienda *Cruce*, protegenda *Alis*. Obviat *Sacer* & *Religiosus Ordo noster* per Te conservandus amore, protegendus favore, gloriâ illustrandus. *Lyceæ* ac *literæ* & *literati Scotista* suo *Mecænati* obviant: unus quisq; (alter etiam proprio nomine,) & re ipsa Fortunatos apprecans *Ascensui* Tuo dies. Tibiq; nos omnes *Franciscani* sedulò studemus, à Quo nos vividam accipuros non invitè speramus animam, & robur gloriæ. Habes nos ô *Antistes Illustrissime* ad omnia victos, omnium promptitudinem & propensionem vides: omnibus *Benedictionem* redde. Duc Tu quoq; precibus Tuïs, præi amore, fulci spiritu. Benevolentia enim Patris, firmat domos filiorum: multò magis nos Tua, (quondam *Pater spiritualis*), *Benedictio*. Hæc nostra pro Te de-

precatio est, tam æqua & honesta, quam singuli Tuum vene-
rantes Pastorate pedum, inclamamus, ad aram *Maximi, Optimiq[ue]*
Pontificis, & DEI, profundius ingeminando, sis felix ac

Longas & utinam nunc bone ferias,

Antistes vivas! Vive magnos sine nube dies!


Et Tua decens ac veneranda facies canescat sæclis innumerabi-
libus. Ita subscribimus appreciationi huic: quibus præter *Sera-
phicas Alas*, etiam submissæ venerationis & obsequij adfunt
calami, *Cracoviensis studij Scritta*, & ut innumeris annis unum
hoc ex quinario nostrum numero, quinque literarum percipi-
as, iterum atq[ue] iterum repetitum paan, *Vivat; precamur.*

Et quia submissa hac in panegyri, in aliquibus anteceda-
nea remonstratur temporis circumstantia, præ ma-
jori supra præfixum tempus prolixitate ejusdem,
transeat; attamen semper avidos nos, & omnes,
fuisse scias *Illustrissime*, hujus *Tuæ Soleatæ Ali-
tæ ad Illustrissimos Infulati Honoris splen-
dore* A S C E N S V S.



31

1712



74
III. P.
XVI. 23



624044 Bibliotheca 120006.
P.P. Camaldulensium in Bielany

Depozyt w Bibliotece Jagiellońskiej



06956

E. XVI. 23



624044 Bibliotheca 120006.
P.P. Camaldulensium in Bielany

Depozyt w Bibliotece Jagiellońskiej



06956

sumos dno
cip. com.
præc. & fer.

Lect. 1. Noct. de
fer. Due Miss. C.
com. præc. & fer.

M A J U S.

17 17 Sabb: Monica Vid. &c. Vesp. de sequ. com.
Domin. & præced.

18 18 Domin. 5. post Pasch. Erii Reg. Mart. dupl.
9. lect. & com. Domin. CR. Credo dic. Vesp.
Cap. de sequ. com. præc. item Domin. &
S. ent. Virg.

J U N I U S.

19 v. Octava SS. Corporis Chr. In Vesp. com?
sequ. & S. Silverij P. M.

20 vj. Aeschili Ep. Mart. dupl. (fuit 12. huius)
9. lect. & com. S. Mart. CR. In Vesp. com.
sequ.

21 Sabb. Ubaldi Ep. Conf. semid. (fuit 16. May)
in hym. mut. CA. Vesp. ut in ordinat.

I 22 Domin. 3. Dedicat. &c. In Vesp. com. Do-
min. & sequ.

23 ij. Extra Cruc. Vigilia, Venantij Mart. semid.
(fuit 18. May) 9. lect. & com. Vigil. Due Miss.
CR. & Viol. Vesp. de sequ. sine comm.

J U L I U S.

6 Domin. 5. in. 5. post Pent. Octava SS. Apost. In
Vesp. com. com. Dom. & sequ.

7 Cruc. Vena. Venantij Mart. semid. (fuit 18. May)
R. Vesp. à Cap. à Cap. de sequ. com. præc. Extra
Cruc. Mariæ Mariæ Magd. de Paz. Virg. semid. (fuit
25. May.) CA. Vesp. ut supra.

iv. Cruc. Mariæ Mariæ Magd. de Paz. Virg. semid.
(fuit 25. May.) CA. Vesp. à Cap. de sequ.

SS. Mart.